

C40
4514
10



C.40-4514

丁酉上座請大般若及有
家書置子孫院臣等中未
敢微子孫院臣等中未
為學者不耐許出院以
富山二世鐵牛機謹誌



B 64853

大般若波羅蜜多經卷第三百一

唐三藏法師玄奘奉詔譯

初分難聞功德品第三十九之五

善現若菩薩摩訶薩行般若波羅蜜多時於布施波
羅蜜多不起不思議想於淨戒安忍精進靜慮般若
波羅蜜多不起不思議想是菩薩摩訶薩修行般若
波羅蜜多速得圓滿善現若菩薩摩訶薩行般若波
羅蜜多時於內空不起不思議想於外空內外空空
空大空勝義空有為空無為空畢竟空無際空散空
無變異空本性空自相空共相空一切法空不可得



空無性空自性空無性自性空不起不思議想是菩薩摩訶薩修行般若波羅蜜多速得圓滿善現若菩薩摩訶薩修行般若波羅蜜多時於真如不起不思議想於法界法性不虛妄性不變異性平等性離生性法定法住實際虛空界不思議界不起不思議想是菩薩摩訶薩修行般若波羅蜜多速得圓滿善現若菩薩摩訶薩修行般若波羅蜜多時於苦聖諦不起不思議想於集滅道聖諦不起不思議想是菩薩摩訶薩修行般若波羅蜜多速得圓滿善現若菩薩摩訶薩修行般若波羅蜜多時於四靜慮不起不思議想於

四無量四無色定不起不思議想是菩薩摩訶薩修行般若波羅蜜多速得圓滿善現若菩薩摩訶薩修行般若波羅蜜多時於八解脫不起不思議想於八勝處九次第定十徧處不起不思議想是菩薩摩訶薩修行般若波羅蜜多速得圓滿善現若菩薩摩訶薩修行般若波羅蜜多時於四念住不起不思議想於四正斷四神足五根五力七等覺支八聖道支不起不思議想是菩薩摩訶薩修行般若波羅蜜多速得圓滿善現若菩薩摩訶薩修行般若波羅蜜多時於空解脫門不起不思議想於無相無願解脫門不起不思

議想是菩薩摩訶薩修行般若波羅蜜多速得圓滿
善現若菩薩摩訶薩行般若波羅蜜多時於菩薩十
地不起不思議想是菩薩摩訶薩修行般若波羅蜜
多速得圓滿善現若菩薩摩訶薩行般若波羅蜜多
時於五眼不起不思議想於六神通不起不思議想
是菩薩摩訶薩修行般若波羅蜜多速得圓滿善現
若菩薩摩訶薩行般若波羅蜜多時於佛十力不起
不思議想於四無所畏四無礙解大慈大悲大喜大
捨十八佛不共法不起不思議想是菩薩摩訶薩修
行般若波羅蜜多速得圓滿善現若菩薩摩訶薩行

般若波羅蜜多時於無忘失法不起不思議想於恒
住捨性不起不思議想是菩薩摩訶薩修行般若波
羅蜜多速得圓滿善現若菩薩摩訶薩行般若波羅
蜜多時於一切智不起不思議想於道相智一切相
智不起不思議想是菩薩摩訶薩修行般若波羅蜜
多速得圓滿善現若菩薩摩訶薩行般若波羅蜜多
時於一切陀羅尼門不起不思議想於一切三摩地
門不起不思議想是菩薩摩訶薩修行般若波羅蜜
多速得圓滿善現若菩薩摩訶薩行般若波羅蜜多
時於預流果不起不思議想於一來不還阿羅漢果

不起不思議想是菩薩摩訶薩修行般若波羅蜜多
速得圓滿善現若菩薩摩訶薩行般若波羅蜜多時
於獨覺菩提不起不思議想是菩薩摩訶薩修行般
若波羅蜜多速得圓滿善現若菩薩摩訶薩修行般若
波羅蜜多時於一切菩薩摩訶薩行不起不思議想
是菩薩摩訶薩修行般若波羅蜜多速得圓滿善現
若菩薩摩訶薩行般若波羅蜜多時於諸佛無上正
等菩提不起不思議想是菩薩摩訶薩修行般若波
羅蜜多速得圓滿爾時具壽善現白佛言世尊如是
般若波羅蜜多理趣甚深誰能信解佛言善現若菩

薩摩訶薩已久修六波羅蜜多已久種善根已供養
多佛已事多善友是菩薩摩訶薩能信解此甚深般
若波羅蜜多具壽善現復白佛言世尊齊此應知是
菩薩摩訶薩已久修六波羅蜜多已久種善根已供
養多佛已事多善友佛言善現若菩薩摩訶薩行般
若波羅蜜多時不思惟分別色不思惟分別受想行
識不思惟分別色相不思惟分別受想行識相不思
惟分別色性不思惟分別受想行識性何以故色乃
至識不可思議故善現齊此應知是菩薩摩訶薩已
久修六波羅蜜多已久種善根已供養多佛已事多

善友善現若菩薩摩訶薩行般若波羅蜜多時不思惟分別眼處不思惟分別耳鼻舌身意處不思惟分別眼處相不思惟分別耳鼻舌身意處相不思惟分別眼處性不思惟分別耳鼻舌身意處性何以故眼處乃至意處不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別色處不思惟分別聲香味觸法處不思惟分別色處相不思惟分別聲香味觸法處相不思惟分別色處性不思惟分別聲香味觸法處性何以故色處乃至法處不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別眼界不思惟分別色界眼識界及眼觸眼觸爲緣所生諸受不思惟分別眼界相不思惟分別色界乃至眼觸爲緣所生諸受相不思惟分別眼界性不思惟分別色界乃至眼觸爲緣所生諸受性何以故眼界乃至眼觸爲緣所生諸受不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善

波羅蜜多已久種善根已供養多佛已事多善友善

現若菩薩摩訶薩行般若波羅蜜多時不思惟分別
耳界不思惟分別聲界耳識界及耳觸耳觸爲緣所
生諸受不思惟分別耳界相不思惟分別聲界乃至
耳觸爲緣所生諸受相不思惟分別耳界性不思惟
分別聲界乃至耳觸爲緣所生諸受性何以故耳界
乃至耳觸爲緣所生諸受不可思議故善現齊此應
知是菩薩摩訶薩已久修六波羅蜜多已久種善根
已供養多佛已事多善友善現若菩薩摩訶薩行般
若波羅蜜多時不思惟分別鼻界不思惟分別香界
鼻識界及鼻觸鼻觸爲緣所生諸受不思惟分別鼻

界相不思惟分別香界乃至鼻觸爲緣所生諸受相
不思惟分別鼻界性不思惟分別香界乃至鼻觸爲
緣所生諸受性何以故鼻界乃至鼻觸爲緣所生諸
受不可思議故善現齊此應知是菩薩摩訶薩已久
修六波羅蜜多已久種善根已供養多佛已事多善
友善現若菩薩摩訶薩行般若波羅蜜多時不思惟
分別舌界不思惟分別味界舌識界舌觸舌觸爲緣
所生諸受不思惟分別舌界相不思惟分別味界乃
至舌觸爲緣所生諸受相不思惟分別舌界性不思
惟分別味界乃至舌觸爲緣所生諸受性何以故舌

界乃至舌觸爲緣所生諸受不可思議故善現齊此
應知是菩薩摩訶薩已久修六波羅蜜多已久種善
根已供養多佛已事多善友善現若菩薩摩訶薩行
般若波羅蜜多時不思惟分別身界不思惟分別觸
界身識界及身觸身觸爲緣所生諸受不思惟分別
身界相不思惟分別觸界乃至身觸爲緣所生諸受
相不思惟分別身界性不思惟分別觸界乃至身觸
爲緣所生諸受性何以故身界乃至身觸爲緣所生
諸受不可思議故善現齊此應知是菩薩摩訶薩已
久修六波羅蜜多已久種善根已供養多佛已事多

善友善現若菩薩摩訶薩行般若波羅蜜多時不思
惟分別意界不思惟分別法界意識界及意觸意觸
爲緣所生諸受不思惟分別意界相不思惟分別法
界乃至意觸爲緣所生諸受相不思惟分別意界性
不思惟分別法界乃至意觸爲緣所生諸受性何以
故意界乃至意觸爲緣所生諸受不可思議故善現
齊此應知是菩薩摩訶薩已久修六波羅蜜多已久
種善根已供養多佛已事多善友善現若菩薩摩訶
薩行般若波羅蜜多時不思惟分別地界不思惟分
別水火風空識界不思惟分別地界相不思惟分別

經
大細者經補三經

經

大支字卷三十一

七

四一

經
大相者經第三
水火風空識界相不思惟分別地界性不思惟分別
水火風空識界性何以故地界乃至識界不可思議
故善現齊此應知是菩薩摩訶薩已久修六波羅蜜
多已久種善根已供養多佛已事多善友善現若菩
薩摩訶薩行般若波羅蜜多時不思惟分別無明不
思惟分別行識名色六處觸受愛取有生老死愁歎
苦憂惱不思惟分別無明相不思惟分別行乃至老
死愁歎苦憂惱相不思惟分別無明性不思惟分別
行乃至老死愁歎苦憂惱性何以故無明乃至老死
愁歎苦憂惱不可思議故善現齊此應知是菩薩摩

訶薩已久修六波羅蜜多已久種善根已供養多佛
已事多善友善現若菩薩摩訶薩行般若波羅蜜多
時不思惟分別欲界不思惟分別色無色界不思惟
分別欲界相不思惟分別色無色界相不思惟分別
欲界性不思惟分別色無色界性何以故欲界色無
色界不可思議故善現齊此應知是菩薩摩訶薩已
久修六波羅蜜多已久種善根已供養多佛已事多
善友善現若菩薩摩訶薩行般若波羅蜜多時不思
惟分別布施波羅蜜多不思惟分別淨戒安忍精進
靜慮般若波羅蜜多不思惟分別布施波羅蜜多相

不思惟分別淨戒乃至般若波羅蜜多相不思惟分別布施波羅蜜多性不思惟分別淨戒乃至般若波羅蜜多性何以故布施波羅蜜多乃至般若波羅蜜多不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別內空不思惟分別外空內外空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空不思惟分別內空相不思惟分別外空乃至無性自性空相不思惟分別內空性不思惟分別外空乃至無性自性空性何以故內空乃至無性自性空不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別真如不思惟分別法界法性不虛妄性不變異性平等性離生性法定法住實際虛空界不思議界不思議分別真如相不思惟分別法界乃至不思議界相不思惟分別真如性不思惟分別法界乃至不思議界性何以故真如乃至不思議界不

可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別苦聖諦不思惟分別集滅道聖諦不思惟分別苦聖諦性不思惟分別集滅道聖諦相不思惟分別苦聖滅道聖諦不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別四靜慮不思惟分別四無量四無色定相不思惟分別四靜慮性不思惟分別四無量四無色定性何以故四靜慮四無量四無色定不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別八解脫不思惟分別八勝處九次第定十徧處相不思惟分別八解脫性不思惟分別八勝處九次第定十徧處性何以故八解脫八勝處九次第定十

徧處不可思議故善現齊此應知是菩薩摩訶薩已
久修六波羅蜜多已久種善根已供養多佛已事多
善友善現若菩薩摩訶薩行般若波羅蜜多時不思
惟分別四念住不思惟分別四正斷四神足五根五
力七等覺支八聖道支不思惟分別四念住相不思
惟分別四正斷乃至八聖道支相不思惟分別四念
住性不思惟分別四正斷乃至八聖道支性何以故
四念住乃至八聖道支不可思議故善現齊此應知
是菩薩摩訶薩已久修六波羅蜜多已久種善根已
供養多佛已事多善友善現若菩薩摩訶薩行般若

波羅蜜多時不思惟分別空解脫門不思惟分別無
相無願解脫門不思惟分別空解脫門相不思惟分
別無相無願解脫門相不思惟分別空解脫門性不
思惟分別無相無願解脫門性何以故空解脫門無
相無願解脫門不可思議故善現齊此應知是菩薩
摩訶薩已久修六波羅蜜多已久種善根已供養多
佛已事多善友善現若菩薩摩訶薩行般若波羅蜜
多時不思惟分別菩薩十地不思惟分別菩薩十地
相不思惟分別菩薩十地性何以故菩薩十地不可
思議故善現齊此應知是菩薩摩訶薩已久修六波

羅蜜多已久種善根已供養多佛已事多善友善現
若菩薩摩訶薩行般若波羅蜜多時不思惟分別五
眼不思惟分別六神通不思惟分別五眼相不思惟
分別六神通相不思惟分別五眼性不思惟分別六
神通性何以故五眼六神通不可思議故善現齊此
應知是菩薩摩訶薩已久修六波羅蜜多已久種善
根已供養多佛已事多善友善現若菩薩摩訶薩行
般若波羅蜜多時不思惟分別佛十力不思惟分別
四無所畏四無礙解大慈大悲大喜大捨十八佛不
共法不思惟分別佛十力相不思惟分別四無所畏
乃至十八佛不共法相不思惟分別佛十力性不思
惟分別四無所畏乃至十八佛不共法性何以故佛
十力乃至十八佛不共法不可思議故善現齊此應
知是菩薩摩訶薩已久修六波羅蜜多已久種善根
已供養多佛已事多善友善現若菩薩摩訶薩行般
若波羅蜜多時不思惟分別無忘失法不思惟分別
恒住捨性不思惟分別無忘失法相不思惟分別恒
住捨性相不思惟分別無忘失法性不思惟分別恒
住捨性性何以故無忘失法恒住捨性不可思議故
善現齊此應知是菩薩摩訶薩已久修六波羅蜜多

摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別獨覺菩提不思惟分別獨覺菩提相不思惟分別獨覺菩提何以故獨覺菩提不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別一切菩薩摩訶薩行相不思惟分別一切菩薩摩訶薩行性何以故一切菩薩摩訶薩行不可思議故善現齊此應知是菩薩

摩訶薩已久修六波羅蜜多已久種善根已供養多佛已事多善友善現若菩薩摩訶薩行般若波羅蜜多時不思惟分別諸佛無上正等菩提不思惟分別諸佛無上正等菩提相不思惟分別諸佛無上正等菩提何以故諸佛無上正等菩提不可思議故善現齊此應知是菩薩摩訶薩已久修六波羅蜜多已久種善根已供養多佛已事多善友具壽善現白佛言世尊如是般若波羅蜜多極爲甚深佛言如是善現色甚深故般若波羅蜜多甚深受想行識甚深故般若波羅蜜多甚深善現眼處甚深故般若波羅蜜

多甚深耳鼻舌身意處甚深故般若波羅蜜多甚深
善現色處甚深故般若波羅蜜多甚深聲香味觸法
處甚深故般若波羅蜜多甚深善現眼界甚深故般
若波羅蜜多甚深色界眼識界及眼觸眼觸爲緣所
生諸受甚深故般若波羅蜜多甚深善現耳界甚深
故般若波羅蜜多甚深聲界耳識界及耳觸耳觸爲
緣所生諸受甚深故般若波羅蜜多甚深善現鼻界
甚深故般若波羅蜜多甚深香界鼻識界及鼻觸鼻
觸爲緣所生諸受甚深故般若波羅蜜多甚深善現
舌界甚深故般若波羅蜜多甚深味界舌識界及舌

觸舌觸爲緣所生諸受甚深故般若波羅蜜多甚深
善現身界甚深故般若波羅蜜多甚深觸身身識界
及身觸身觸爲緣所生諸受甚深故般若波羅蜜多
甚深善現意界甚深故般若波羅蜜多甚深法界意
識界及意觸意觸爲緣所生諸受甚深故般若波羅
蜜多甚深善現地界甚深故般若波羅蜜多甚深水
火風空識界甚深故般若波羅蜜多甚深善現無明
甚深故般若波羅蜜多甚深行識名色六處觸受愛
取有生老死愁歎苦憂惱甚深故般若波羅蜜多甚
深善現布施波羅蜜多甚深故般若波羅蜜多甚深

淨戒安忍精進靜慮波羅蜜多甚深故般若波羅蜜
多甚深善現內空甚深故般若波羅蜜多甚深外空
內外空空大空勝義空有爲空無爲空畢竟空無
際空散空無變異空空本性空自相空共相空一切法
空不可得空無性空自性空無性自性空甚深故般
若波羅蜜多甚深善現真如甚深故般若波羅蜜多
甚深法界法性不虛妄性不變異性平等性離生性
法定法住實際虛空界不思議界甚深故般若波羅
蜜多甚深善現苦聖諦甚深故般若波羅蜜多甚深
集滅道聖諦甚深故般若波羅蜜多甚深善現四

慮甚深故般若波羅蜜多甚深四無量四無色定甚
深故般若波羅蜜多甚深善現八解脫甚深故般若
波羅蜜多甚深八勝處九次第定十徧處甚深故般
若波羅蜜多甚深善現四念住甚深故般若波羅蜜
多甚深四正斷四神足五根五力七等覺支八聖道
支甚深故般若波羅蜜多甚深善現空解脫門甚深
故般若波羅蜜多甚深無相無願解脫門甚深故般
若波羅蜜多甚深善現菩薩十地甚深故般若波羅
蜜多甚深善現五眼甚深故般若波羅蜜多甚深六
神通甚深故般若波羅蜜多甚深善現佛十力甚深

故般若波羅蜜多甚深四無所畏四無礙解大慈大悲大喜大捨十八佛不共法甚深故般若波羅蜜多甚深善現無忘失法甚深故般若波羅蜜多甚深恒住捨性甚深故般若波羅蜜多甚深善現一切智甚深故般若波羅蜜多甚深道相智一切相智甚深故般若波羅蜜多甚深一切陀羅尼門甚深故般若波羅蜜多甚深一切三摩地門甚深故般若波羅蜜多甚深善現預流果甚深故般若波羅蜜多甚深一來不還阿羅漢果甚深故般若波羅蜜多甚深善現獨覺菩提甚深故般若波羅蜜多甚深善現一切

菩薩摩訶薩行甚深故般若波羅蜜多甚深善現諸佛無上正等菩提甚深故般若波羅蜜多甚深是故般若波羅蜜多名極甚深具壽善現白佛言世尊如是般若波羅蜜多是大寶聚佛言如是能與有情功德寶故善現如是般若波羅蜜多大瓊寶聚能與有情十善業道四靜慮四無量四無色定五神通寶善現如是般若波羅蜜多大瓊寶聚能與有情布施淨戒安忍精進靜慮般若波羅蜜多寶善現如是般若波羅蜜多大瓊寶聚能與有情內空外空內外空空大空勝義空有爲空無爲空畢竟空無際空散空

無變異空本性空自相空共相空一切法空不可得
空無性空自性空無性自性空寶善現如是般若波
羅蜜多大珍寶聚能與有情真如法界法性不虛妄
性不變異性平等性離生性法定法住實際虛空界
不思議界諸聖諦寶善現如是般若波羅蜜多大珍
寶聚能與有情八解脫八勝處九次第定十徧處寶
善現如是般若波羅蜜多大珍寶聚能與有情四念
住四正斷四神足五根五力七等覺支八聖道支寶
善現如是般若波羅蜜多大珍寶聚能與有情空無
相無願解脫門寶善現如是般若波羅蜜多大珍寶
聚能與有情菩薩十地寶善現如是般若波羅蜜多
大珍寶聚能與有情五眼六神通寶善現如是般若
波羅蜜多大珍寶聚能與有情佛十力四無所畏四
無礙解大慈大悲大喜大捨十八不共法寶善現
如是般若波羅蜜多大珍寶聚能與有情無忘失法
恒住捨性寶善現如是般若波羅蜜多大珍寶聚能
與有情一切智道相智一切相智寶善現如是般若
波羅蜜多大珍寶聚能與有情一切陀羅尼門一切
三摩地門寶善現如是般若波羅蜜多大珍寶聚能
與有情預流一來不還阿羅漢果寶善現如是般若

經

大般若經卷第三十一

七

論一

經

大般若經卷第三十一

七

論一

波羅蜜多大珍寶聚能與有情獨覺菩提實善現如是般若波羅蜜多大珍寶聚能與有情一切菩薩摩訶薩行實善現如是般若波羅蜜多大珍寶聚能與有情諸佛無上正等菩提轉法輪寶是故般若波羅蜜多名大寶聚

大般若波羅蜜多經卷第三百一

休寧居士劉懋賢同弟懋貞懋賞仰承先嚴劉新志府君法施遺願施貲刻大般若經第三百一卷武林釋大能對長洲徐普書上元吳文輝刻萬曆庚戌歲冬十月徑山寂照施識

大般若波羅蜜多經卷第三百二

唐三藏法師玄奘奉詔譯

初分難聞功德品第三十九之六

具壽善現復白佛言世尊如是般若波羅蜜多是清淨聚佛言如是善現色清淨故般若波羅蜜多清淨受想行識清淨故般若波羅蜜多清淨善現眼處清淨故般若波羅蜜多清淨耳鼻舌身意處清淨故般若波羅蜜多清淨善現色處清淨故般若波羅蜜多清淨聲香味觸法處清淨故般若波羅蜜多清淨善現眼識界清淨故般若波羅蜜多清淨色界眼識界及

眼觸眼觸爲緣所生諸受清淨故般若波羅蜜多清淨善現耳界清淨故般若波羅蜜多清淨聲界耳識界及耳觸耳觸爲緣所生諸受清淨故般若波羅蜜多清淨善現鼻界清淨故般若波羅蜜多清淨香界鼻識界及鼻觸鼻觸爲緣所生諸受清淨故般若波羅蜜多清淨善現舌界清淨故般若波羅蜜多清淨味界舌識界及舌觸舌觸爲緣所生諸受清淨故般若波羅蜜多清淨善現身界清淨故般若波羅蜜多清淨觸界身識界及身觸身觸爲緣所生諸受清淨故般若波羅蜜多清淨善現眼界清淨故般若波羅蜜多清淨

蜜多清淨法界意識界及意觸意觸爲緣所生諸受清淨故般若波羅蜜多清淨善現地界清淨故般若波羅蜜多清淨水火風空識界清淨故般若波羅蜜多清淨善現無明清淨故般若波羅蜜多清淨行識名色六處觸受愛取有生老死愁歎苦憂惱清淨故般若波羅蜜多清淨善現布施波羅蜜多清淨故般若波羅蜜多清淨淨戒安忍精進靜慮波羅蜜多清淨故般若波羅蜜多清淨善現內空清淨故般若波羅蜜多清淨外空內空空空大空勝義空有爲空無爲空畢竟空無際空散空無變異空本性空自相

空共相空一切法空不可得空無性空自性空無性
自性空清淨故般若波羅蜜多清淨善現真如清淨
故般若波羅蜜多清淨法界法性不虛妄性不變異
性平等性離生性法定法住實際虛空界不思議界
清淨故般若波羅蜜多清淨善現苦聖諦清淨故般
若波羅蜜多清淨集滅道聖諦清淨故般若波羅蜜
多清淨善現四靜慮清淨故般若波羅蜜多清淨四
無量四無色定清淨故般若波羅蜜多清淨善現八
解脫清淨故般若波羅蜜多清淨八勝處九次第定
十徧處清淨故般若波羅蜜多清淨善現四念住清
淨故般若波羅蜜多清淨四正斷四神足五根五力
七等覺支八聖道支清淨故般若波羅蜜多清淨善
現空解脫門清淨故般若波羅蜜多清淨無相無願
解脫門清淨故般若波羅蜜多清淨善現菩薩十地
清淨故般若波羅蜜多清淨善現五眼清淨故般若
波羅蜜多清淨六神通清淨故般若波羅蜜多清淨
善現佛十力清淨故般若波羅蜜多清淨四無所畏
四無礙解大慈大悲大喜大捨十八佛不共法清淨
故般若波羅蜜多清淨善現無忘失法清淨故般若
波羅蜜多清淨恒住捨性清淨故般若波羅蜜多清

淨善現一切智清淨故般若波羅蜜多清淨道相智
一切相智清淨故般若波羅蜜多清淨善現一切陀
羅尼門清淨故般若波羅蜜多清淨一切三摩地門
清淨故般若波羅蜜多清淨善現預流果清淨故般
若波羅蜜多清淨一來不還阿羅漢果清淨故般若
波羅蜜多清淨善現獨覺菩提清淨故般若波羅蜜
多清淨善現一切菩薩摩訶薩行清淨故般若波羅
蜜多清淨善現諸佛無上正等菩提清淨故般若波
羅蜜多清淨是故般若波羅蜜多名清淨聚具壽善
現復白佛言甚奇世尊希有善逝如是般若波羅蜜
多以極甚深多諸留難而今廣說留難不生佛言善
現如是如是甚深般若波羅蜜多多諸留難佛神力
故今雖廣說留難不生是故大乘諸善男子善女人
等於此般若波羅蜜多若欲書寫應疾書寫若欲讀
誦應疾讀誦若欲受持應疾受持若欲修習應疾修
習若欲思惟應疾思惟若欲宣說應疾宣說何以故
善現甚深般若波羅蜜多多諸留難勿令書寫讀誦
受持修習思惟爲他說者留難事起不究竟故善現
是善男子善女人等若欲一月或二或三或四或五
或六或七乃至一歲書寫如是甚深般若波羅蜜多

大般若經卷第三十一

三

讀一

能究竟者應勤精進繫念書寫經爾所時令得究竟
善現是善男子善女人等若欲一月或二或三或四
或五或六或七乃至一歲於此般若波羅蜜多受持
讀誦修習思惟爲他宣說能究竟者應勤精進繫念
受持乃至宣說經爾所時令得究竟何以故善現甚
深般若波羅蜜多無價寶珠多留難故爾時善現復
白佛言甚奇世尊希有善逝甚深般若波羅蜜多無
價寶珠多諸留難而有書寫受持讀誦修習思惟爲
他說者惡魔於彼欲作留難令不書寫乃至演說佛
言善現惡魔於此甚深般若波羅蜜多雖欲留難令
不書寫受持讀誦修習思惟爲他演說而彼無力可
能留難是菩薩摩訶薩書寫受持般若等事爾時舍
利子白佛言世尊是誰神力令彼惡魔不能留難諸
菩薩摩訶薩書寫受持讀誦修習思惟廣說甚深般
若波羅蜜多佛言舍利子是佛神力令彼惡魔不能
留難諸菩薩摩訶薩書寫受持讀誦修習思惟廣說
甚深般若波羅蜜多又舍利子亦是十方一切世界
諸佛神力令彼惡魔不能留難諸菩薩摩訶薩書寫
受持讀誦修習思惟廣說甚深般若波羅蜜多又舍
利子諸佛世尊皆共護念修行般若波羅蜜多諸菩

陸故令彼惡魔不能留難一切菩薩摩訶薩衆令不
書寫受持讀誦修習思惟廣爲他說甚深般若波羅
蜜多何以故舍利子諸佛世尊皆共護念修行般若
波羅蜜多諸菩薩衆所作善業令彼惡魔不能留難
舍利子若菩薩摩訶薩能於如是甚深般若波羅蜜
多書寫受持讀誦修習思惟廣說法爾應爲十方世
界無量無數無邊如來應正等覺現說法者之所護
念若蒙諸佛所護念者法爾惡魔不能留難舍利子
若善男子善女人等能於如是甚深般若波羅蜜多
書寫受持讀誦修習思惟廣說應作是念我今書寫
受持讀誦修習思惟廣爲他說甚深般若波羅蜜多
皆是十方無量無數無邊如來應正等覺現說法者
神力護念時舍利子復白佛言世尊若善男子善女
人等能於如是甚深般若波羅蜜多書寫受持讀誦
修習思惟廣說一切皆是十方世界諸佛如來神力
護念令彼所作殊勝善業一切惡魔不能留難佛言
舍利子如是如是如汝所說舍利子若善男子善女
人等能於如是甚深般若波羅蜜多書寫受持讀誦
修習思惟廣說當知皆是一切如來應正等覺神力
護念時舍利子復白佛言世尊若善男子善女人等

能於如是甚深般若波羅蜜多書寫受持讀誦修習
思惟廣說十方世界無量無數無邊如來應正等覺
現說法者皆共識知是善男子善女人等書寫受持
讀誦修習思惟廣說甚深般若波羅蜜多由此因緣
歡喜護念世尊若善男子善女人等能於如是甚深
般若波羅蜜多書寫受持讀誦修習思惟廣說是善
男子善女人等恒爲十方無量無數無邊世界一切
如來應正等覺現說法者佛眼觀見由此因緣慈悲
護念佛言舍利子如是如是如汝所說舍利子若善
男子善女人等書寫受持讀誦修習思惟廣說甚深
般若波羅蜜多是善男子善女人等恒爲十方無量
無數無邊世界一切如來應正等覺現說法者佛眼
觀見識知護念令諸惡魔不能燒惱所修善業速得
成辦舍利子住菩薩乘諸善男子善女人等若能於
此甚深般若波羅蜜多書寫受持讀誦修習思惟廣
說當知是善男子善女人等已近無上正等菩提諸
惡魔怨不能留難復次舍利子住菩薩乘諸善男子
善女人等若能書寫甚深般若波羅蜜多種種莊嚴
受持讀誦當知是善男子善女人等於此般若波羅
蜜多深生信解若復於此甚深般若波羅蜜多以諸

華香寶幢幡蓋衣服瓔珞伎樂燈明供養恭敬尊重
讚歎當知是善男子善女人等常爲如來應正等覺
佛眼觀見識知護念由是因緣定當獲得大財大勝
利大果大異熟舍利子是善男子善女人等以能書
寫受持讀誦供養恭敬尊重讚歎甚深般若波羅蜜
多由此善根乃至獲得不退轉地於其中間常不離
佛恒聞正法不墮惡趣舍利子是善男子善女人等
由此善根乃至無上正等菩提常不遠離布施波羅
蜜多常不遠離淨戒安忍精進靜慮般若波羅蜜多
舍利子是善男子善女人等由此善根乃至無上正
等菩提常不遠離內空常不遠離外空內外空空
大空勝義空有爲空無爲空畢竟空無際空散空無
變異空本性空自相空共相空一切法空不可得空
無性空自性空無性自性空舍利子是善男子善女
人等由此善根乃至無上正等菩提常不遠離眞如
常不遠離法界法性不虛妄性不變異性平等性離
生性法定法住實際虛空界不思議界舍利子是善
男子善女人等由此善根乃至無上正等菩提常不
遠離苦聖諦常不遠離集滅道聖諦舍利子是善男
子善女人等由此善根乃至無上正等菩提常不遠

離四靜慮常不遠離四無量四無色定舍利子是善
男子善女人等由此善根乃至無上正等菩提常不
遠離八解脫常不遠離八勝處九次第定十徧處舍
利子是善男子善女人等由此善根乃至無上正等
菩提常不遠離四念住常不遠離四正斷四神足五
根五力七等覺支八聖道支舍利子是善男子善女
人等由此善根乃至無上正等菩提常不遠離空解
脫門常不遠離無相無願解脫門舍利子是善男子
善女人等由此善根乃至無上正等菩提常不遠離
修五眼常不遠離修六神通舍利子是善男子善女
人等由此善根乃至無上正等菩提常不遠離修佛
十力常不遠離修四無所畏四無礙解大慈大悲大
喜大捨十八佛不共法舍利子是善男子善女人等
由此善根乃至無上正等菩提常不遠離修無忘失
法常不遠離修恒住捨性舍利子是善男子善女人
等由此善根乃至無上正等菩提常不遠離修一切
智常不遠離修道相智一切相智舍利子是善男子
善女人等由此善根乃至無上正等菩提常不遠離
修一切陀羅尼門常不遠離修一切三摩地門舍利
子是善男子善女人等由此善根乃至無上正等菩

提常不遠離方便善巧教諸有情得預流果而自不
證常不遠離方便善巧教諸有情得一來不還阿羅
漢果而自不證舍利子是善男子善女人等由此善
根乃至無上正等菩提常不遠離方便善巧教諸有
情得獨覺菩提而自不證舍利子是善男子善女人
等由此善根乃至無上正等菩提常不遠離遊戲菩
薩自在神通從一佛國至一佛國供養恭敬尊重讚
歎諸佛世尊及諸菩薩摩訶薩衆舍利子是善男子
善女人等由此善根乃至無上正等菩提常不遠離
嚴淨佛土成熟有情舍利子是善男子善女人等由

此善根乃至無上正等菩提常不遠離自在神通遊
諸佛土勸請諸佛轉妙法輪度無量衆舍利子是善
男子善女人等由此善根乃至無上正等菩提常不
遠離一切菩薩摩訶薩行舍利子由此因緣住菩薩
乘諸善男子善女人等於此般若波羅蜜多應勤書
寫受持讀誦修習思惟爲他廣說爾時舍利子白佛
言世尊甚深般若波羅蜜多佛滅度後何方與盛佛
言舍利子甚深般若波羅蜜多我滅度後至東南方
當漸興盛彼方當有住菩薩乘苾芻苾芻尼鄔波索
迦鄔波斯迦國王大臣長者居士能於如是甚深般

若波羅蜜多深生信解書寫受持讀誦修習思惟廣
說復以種種上妙華鬘塗散等香衣服瓔珞寶幢幡
蓋妓樂燈明供養恭敬尊重讚歎如是般若波羅蜜
多彼由如是勝善根故畢竟不墮諸險惡趣常生天
人中受富貴妙樂由斯勢力增益六種波羅蜜多令
速圓滿因此復能供養恭敬尊重讚歎諸佛世尊後
隨所應依三乘法漸次修習而趣出離舍利子甚深
般若波羅蜜多我滅度後從東南方轉至南方漸當
興盛彼方當有住菩薩乘苾芻苾芻尼鄔波索迦鄔
波斯迦國王大臣長者居士能於如是甚深般若波

羅蜜多深生信解書寫受持讀誦修習思惟廣說復
以種種上妙華鬘塗散等香衣服瓔珞寶幢幡蓋妓
樂燈明供養恭敬尊重讚歎如是般若波羅蜜多彼
由如是勝善根故畢竟不墮諸險惡趣常生天人中
受富貴妙樂由斯勢力增益六種波羅蜜多令速圓
滿因此復能供養恭敬尊重讚歎諸佛世尊後隨所
應依三乘法漸次修習而趣出離舍利子甚深般若
波羅蜜多我滅度後復從南方至西南方當漸興盛
彼方當有住菩薩乘苾芻苾芻尼鄔波索迦鄔波斯
迦國王大臣長者居士能於如是甚深般若波羅蜜

多深生信解書寫受持讀誦修習思惟廣說復以種種上妙華鬘塗散等香衣服瓔珞寶幢幡盖伎樂燈明供養恭敬尊重讚歎如是般若波羅蜜多彼由如是勝善根故畢竟不墮諸險惡趣常生天人中受富貴妙樂由斯勢力增益六種波羅蜜多令速圓滿因此復能供養恭敬尊重讚歎諸佛世尊後隨所應依三乘法漸次修習而趣出離舍利子甚深般若波羅蜜多我滅度後從西南方至西北方當漸興盛彼方當有住菩薩乘苾芻苾芻尼鄔波索迦鄔波斯迦國王大臣長者居士能於如是甚深般若波羅蜜多深生信生信解書寫受持讀誦修習思惟廣說復以種種上妙華鬘塗散等香衣服瓔珞寶幢幡盖伎樂燈明供養恭敬尊重讚歎如是般若波羅蜜多彼由如是勝善根故畢竟不墮諸險惡趣常生天人中受富貴妙樂由斯勢力增益六種波羅蜜多令速圓滿因此復能供養恭敬尊重讚歎諸佛世尊後隨所應依三乘法漸次修習而趣出離舍利子甚深般若波羅蜜多我滅度後從西北方轉至北方當漸興盛彼方當有住菩薩乘苾芻苾芻尼鄔波索迦鄔波斯迦國王大臣長者居士能於如是甚深般若波羅蜜多深生信

解書寫受持讀誦修習思惟廣說復以種種上妙華鬘塗散等香衣服瓔珞寶幢幡盖妓樂燈明供養恭敬尊重讚歎如是般若波羅蜜多彼由如是勝善根故畢竟不墮諸險惡趣常生天人中受富貴妙樂由斯勢力增益六種波羅蜜多令速圓滿因此復能供養恭敬尊重讚歎諸佛世尊後隨所應依三乘法漸次修習而趣出離舍利子甚深般若波羅蜜多我滅度後復從北方至東北方當漸興盛彼方當有住菩薩乘苾芻苾芻尼鄔波索迦鄔波斯迦國王大臣長者居士能於如是甚深般若波羅蜜多深生信解書寫受持讀誦修習思惟廣說復以種種上妙華鬘塗散等香衣服瓔珞寶幢幡盖妓樂燈明供養恭敬尊重讚歎如是般若波羅蜜多彼由如是勝善根故畢竟不墮諸險惡趣常生天人中受富貴妙樂由斯勢力增益六種波羅蜜多令速圓滿因此復能供養恭敬尊重讚歎諸佛世尊後隨所應依三乘法漸次修習而趣出離舍利子我滅度已後時後分後五百歲甚深般若波羅蜜多於東北方大作佛事何以故舍利子一切如來應正等覺所尊重法卽是般若波羅蜜多如是般若波羅蜜多一切如來應正等覺共所

護念舍利子非佛所得法毗奈耶無上正法有滅沒相諸佛所得法毗奈耶無上正法卽是般若波羅蜜多舍利子彼東北方諸善男子善女人等若能於此甚深般若波羅蜜多信解受持讀誦修習思惟廣說我常護念是善男子善女人等令無惱害舍利子彼東北方諸善男子善女人等若能書寫甚深般若波羅蜜多復以種種上妙華鬘塗散等香衣服瓔珞寶幢幡蓋妓樂燈明供養恭敬尊重讚歎甚深般若波羅蜜多我定說彼諸善男子善女人等由此善根畢竟不墮諸險惡趣生天人中常受妙樂由斯勢力增益六種波羅蜜多因此復能供養恭敬尊重讚歎諸佛世尊後隨所應依三乘法漸深修習而般涅槃何以故舍利子我以佛眼觀見證知稱譽讚歎是善男子善女人等所獲功德東西南北四維上下無量無數無邊世界一切如來應正等覺安隱住持現說法者亦以佛眼觀見證知稱譽讚歎是善男子善女人等所獲功德爾時舍利子白佛言世尊甚深般若波羅蜜多佛滅度已後時後分後五百歲於東北方廣流布耶佛言舍利子如是如是甚深般若波羅蜜多我滅度已後時後分後五百歲於東北方當廣流布

舍利子我滅度已後時後分後五百歲彼東北方諸善男子善女人等若得聞此甚深般若波羅蜜多深生信解書寫受持讀誦修習思惟廣說當知彼善男子善女人等久發無上正等覺心久修菩薩摩訶薩行多供養諸佛多事諸善友所種善根皆已成熟由斯福力得聞如是甚深般若波羅蜜多深生信解復能書寫受持讀誦修習思惟爲他廣說時舍利子復白佛言世尊佛滅度已後時後分後五百歲於東北方當有幾許住菩薩乘諸善男子善女人等得聞如是甚深般若波羅蜜多深生信解復能書寫受持讀

誦修習思惟爲他廣說佛言舍利子我滅度已後時後分後五百歲於東北方雖有無量住菩薩乘諸善男子善女人等而少得聞甚深般若波羅蜜多深生信解其心不驚不怖亦無憂悔復能書寫受持讀誦修習思惟爲他廣說舍利子彼善男子善女人等聞此般若波羅蜜多其心不驚不怖亦無憂悔深生信解書寫受持讀誦修習思惟廣說甚爲希有何以故舍利子是善男子善女人等已曾親近供養恭敬尊重讚歎無量如來應正等覺及諸菩薩摩訶薩衆請問如是甚深般若波羅蜜多相應義趣舍

經
大般若經卷三十一
五
論一
利子是善男子善女人等不久定當圓滿布施波羅
蜜多不久定當圓滿淨戒安忍精進靜慮般若波羅
蜜多舍利子是善男子善女人等不久定當圓滿內
空不久定當圓滿外空內外空空大空勝義空有
爲空無爲空畢竟空無際空散空無變異空本性空
自相空共相空一切法空不可得空無性空自性空
無性自性空舍利子是善男子善女人等不久定當
圓滿真如不久定當圓滿法界法性不虛妄性不變
異性平等性離生性法定法住實際虛空界不思議
界舍利子是善男子善女人等不久定當圓滿苦聖

諦不久定當圓滿集滅道聖諦舍利子是善男子善
女人等不久定當圓滿四靜慮不久定當圓滿四無
量四無色定舍利子是善男子善女人等不久定當
圓滿八解脫不久定當圓滿八勝處九次第定十徧
處舍利子是善男子善女人等不久定當圓滿四念
住不久定當圓滿四正斷四神足五根五力七等覺
支八聖道支舍利子是善男子善女人等不久定當
圓滿空解脫門不久定當圓滿無相無願解脫門舍
利子是善男子善女人等不久定當圓滿菩薩十地
舍利子是善男子善女人等不久定當圓滿五眼不

久定當圓滿六神通舍利子是善男子善女人等不
久定當圓滿佛十力不久定當圓滿四無所畏四無
礙解大慈大悲大喜大捨十八佛不共法舍利子是
善男子善女人等不久定當圓滿無忘失法不久定
當圓滿恒住捨性舍利子是善男子善女人等不久
定當圓滿一切智不久定當圓滿道相智一切相智
舍利子是善男子善女人等不久定當圓滿一切陀
羅尼門不久定當圓滿一切三摩地門舍利子是善
男子善女人等不久定當圓滿一切菩薩摩訶薩行
舍利子是善男子善女人等不久定當圓滿阿耨多
羅三藐三菩提復次舍利子彼善男子善女人等二
切如來所護念故無量善友所攝受故殊勝善根所
住持故爲欲饒益多衆生故求趣無上正等菩提何
以故舍利子我常爲彼諸善男子善女人等說一切
智智相應之法過去如來應正等覺亦常爲彼諸善
男子善女人等說一切智智相應之法由此因緣彼
善男子善女人等後生復能求趣無上正等菩提亦
能爲他如應說法令趣無上正等菩提舍利子彼善
男子善女人等身心安定諸惡魔王及彼眷屬尚不
能壞求趣無上正等覺心何況其餘樂行惡者毀謗

經
大般若經卷第三十一

七

三十一

經

大般若經卷第三十一

七

三十一

般若波羅蜜多能阻其心不令求趣無上正覺舍利子如是大乘諸善男子善女人等聞我說此甚深般若波羅蜜多心得廣大妙法喜樂亦能安立無量衆生於勝善法令趣無上正等菩提舍利子是善男子善女人等今於我前發弘誓願我當安立無量百千俱胝那由多諸有情類令發無上正等覺心修諸菩薩摩訶薩行示現勸導讚勵慶喜令於無上正等覺心修諸菩薩摩訶薩行示現勸導讚勵慶喜令於無上正等菩提乃至得受不退轉記舍利子是善男子善女人等亦於過去無量佛前發弘誓願我當安立無量百千俱胝那由多諸有情類令發無上正等覺心修諸菩薩摩訶薩行示現勸導讚勵慶喜令於無上正等菩提乃至得受不退轉記舍利子過去諸佛亦於彼願深生隨喜何以故舍利子所發弘願心語相應彼善男子善女人等於當來世

定能安立無量百千俱胝那庾多諸有情類令發無
上正等覺心修諸菩薩摩訶薩行示現勸導讚勵慶
喜令於無上正等菩提乃至得受不退轉記舍利子
是善男子善女人等信解廣大能依妙色聲香味觸
修廣大施修此施已復能種殖廣大善根因此善根
復能攝受廣大果報攝受如是廣大果報專爲利樂
一切有情於諸有情能捨內外一切所有彼迴如是
所種善根願生他方諸佛國土現有如來應正等覺
宣說如是甚深般若波羅蜜多無上法處彼聞如是
甚深般若波羅蜜多無上法已復能安立彼佛土中

無量百千俱胝那庾多諸有情類令發無上正等覺
心修諸菩薩摩訶薩行示現勸導讚勵慶喜令於無
上正等菩提得不退轉時舍利子復白佛言甚奇世
尊希有善逝佛於過去未來現在諸所有法無不證
知於一切法真如法界及法性等無不證知於諸法
教無不證知於諸有情心行差別無不證知於過去
佛菩薩聲聞及佛土等無不證知於未來佛菩薩聲
聞及佛土等無不證知於現在佛菩薩聲聞及佛土
等無不證知於十方界一切如來應正等覺及所說
法菩薩聲聞佛土等事無不證知世尊若菩薩摩訶

薩於六波羅蜜多勇猛精進恒求不息彼於此六波羅蜜多爲有得時不得時不佛言舍利子彼善男子善女人等恒於此六波羅蜜多勇猛精進欣求不息諸佛一切時得無不得時何以故舍利子彼善男子善女人等恒於此六波羅蜜多勇猛精進欣求不息諸佛菩薩常護念故舍利子言世尊彼善男子善女人等若不得六波羅蜜多相應經時如何可說彼得此六波羅蜜多佛言舍利子彼善男子善女人等恒於此六波羅蜜多勇猛信求不顧身命有時不得此相應經無有是處何以故舍利子彼善男子善女人等爲求無上正等菩提示現勸導讚勵慶喜諸有情類令於此六波羅蜜多相應經典受持讀誦思惟修學由此善根隨所生處常得此六波羅蜜多相應契經受持讀誦勇猛精進如教修行成熟有情嚴淨佛土速證無上正等菩提

大般若波羅蜜多經卷第三百二

音釋

鵝波索迦

梵語也此云近事男鵝安古切

波斯迦

梵語也此云近事女

髮

髮莫班切

俱胝

梵語也此云百億

那庾多

梵語也此云萬億

休寧居士劉懋賢同弟懋貞懋賞仰承
先嚴劉新志府君法施遺願施貲刻
大般若經卷三百二
武林釋大能對金陵傳文貞書溧水陳秉達刻
萬曆庚戌歲秋月徑山寂照庵識

大般若波羅蜜多經卷第三百二

唐三藏法師玄奘奉詔譯

初分魔事品第四十一

爾時具壽善現白佛言世尊佛已讚說爲證無上正
等菩提修行六種波羅蜜多成熟有情嚴淨佛國諸
善男子善女人等所有功德世尊云何是善男子善
女人等爲證無上正等菩提修諸行時留難魔事佛
言善現若菩薩摩訶薩樂說法要辯不卽生當知是
爲菩薩魔事世尊何故是菩薩摩訶薩樂說法要辯
不卽生是爲魔事善現是菩薩摩訶薩修行般若波

羅蜜多時所修般若波羅蜜多難得圓滿所修靜慮
精進安忍淨戒布施波羅蜜多難得圓滿由此緣故
是菩薩摩訶薩樂說法要辯不卽生當知是爲菩薩
魔事復次善現若菩薩摩訶薩樂修勝行辯乃卒生
當知是爲菩薩魔事世尊何故是菩薩摩訶薩樂修
勝行辯乃卒生是爲魔事善現是菩薩摩訶薩修行
布施波羅蜜多修行淨戒安忍精進靜慮般若波羅
蜜多無巧便故辯乃卒生由此緣故是菩薩摩訶薩
樂修勝行辯乃卒生當知是爲菩薩魔事復次善現
書寫般若波羅蜜多甚深經時頻申欠吐當知是爲
菩薩魔事復次善現書寫般若波羅蜜多甚深經時
忽然戲笑當知是爲菩薩魔事復次善現書寫般若
波羅蜜多甚深經時互相輕蔑當知是爲菩薩魔事
復次善現書寫般若波羅蜜多甚深經時身心擾亂
當知是爲菩薩魔事復次善現書寫般若波羅蜜多
甚深經時心生異解文句倒錯當知是爲菩薩魔事
復次善現書寫般若波羅蜜多甚深經時欸有事起
令不究竟當知是爲菩薩魔事復次善現書寫般若
波羅蜜多甚深經時忽作是念我於此經不得滋味
何用書寫便棄捨去當知是爲菩薩魔事復次善現

受持讀誦思惟修習說聽般若波羅蜜多甚深經時
頻申欠咄當知是爲菩薩魔事復次善現受持讀誦
思惟修習說聽般若波羅蜜多甚深經時忽然戲笑
當知是爲菩薩魔事復次善現受持讀誦思惟修習
說聽般若波羅蜜多甚深經時互相輕蔑當知是爲
菩薩魔事復次善現受持讀誦思惟修習說聽般若
波羅蜜多甚深經時身心擾亂當知是爲菩薩魔事
復次善現受持讀誦思惟修習說聽般若波羅蜜多
甚深經時心生異解文句倒錯當知是爲菩薩魔事
復次善現受持讀誦思惟修習說聽般若波羅蜜多
甚深經時欬有事起令不究竟當知是爲菩薩魔事
復次善現受持讀誦思惟修習說聽般若波羅蜜多
甚深經時忽作是念我於此經不得滋味何用勤苦
便棄捨去當知是爲菩薩魔事時具壽善現白佛言
世尊何因緣故是善男子善女人等於此深經不得
滋味便棄捨去佛言善現是善男子善女人等於過
去世未久修行般若靜慮精進安忍淨戒布施波羅
蜜多是故於此甚深般若波羅蜜多不得滋味便棄
捨去復次善現若善男子善女人等聞說如是甚深
般若波羅蜜多便作是念我等於此不得受記何用

聽爲心不清淨便從座起棄捨而去當知是爲菩薩
魔事時具壽善現白佛言世尊何因緣故於此般若
波羅蜜多甚深經中不授彼記而令捨去佛言善現
菩薩未入正性離生不應授彼大菩提記復次善現
若善男子善女人等聞說如是甚深般若波羅蜜多
便作是念此中不說我等名字何用聽爲心不清淨
便從座起棄捨而去當知是爲菩薩魔事時具壽善
現白佛言世尊何因緣故於此般若波羅蜜多甚深
經中不記說彼菩薩名字佛言善現菩薩未受大菩
提記法爾不應記說名字復次善現若善男子善女
人等聞說般若波羅蜜多甚深經時生如是念此中
不說我等生處城邑聚落何用聽爲心不清淨便從
座起棄捨而去當知是爲菩薩魔事時具壽善現白
佛言世尊何因緣故於此般若波羅蜜多甚深經中
不記說彼菩薩生處城邑聚落佛言善現若未記彼
菩薩名字不應說其生處差別復次善現若菩薩摩
訶薩聞說般若波羅蜜多心不清淨而捨去者隨彼
所起不清淨心默捨此經舉步多少便減爾所劫數
功德獲爾所劫障菩提罪受彼罪已更爾所時發勤
精進求趣無上正等菩提方可復本是故菩薩若欲

速證無上菩提不應厭捨甚深般若波羅蜜多復次
善現住菩薩乘諸善男子善女人等棄捨般若波羅
蜜多甚深經典求學餘經當知是爲菩薩魔事何以
故善現是善男子善女人等棄捨一切智智根本甚
深般若波羅蜜多而攀枝葉諸餘經典終不能得大
菩提故時具壽善現白佛言世尊何等餘經猶如枝
葉不能引發一切智智佛言善現若說二乘相應之
法謂四念住四正斷四神足五根五力七等覺支八
聖道支及空無相無願解脫門等所有諸經若善男
子善女人等於中修學得預流果得一來果得不還
果得阿羅漢果得獨覺菩提不得無上正等菩提是
名餘經猶如枝葉不能引發一切智智甚深般若波
羅蜜多定能引發一切智智有大勢力猶如樹根是
善男子善女人等棄捨般若波羅蜜多甚深經典求
學餘經定不能得一切智智何以故善現如是般若
波羅蜜多甚深經典出生一切菩薩摩訶薩世間出
世間功德法故善現若菩薩摩訶薩修學般若波羅
蜜多則爲修學一切世間出世間法復次善現譬如
餓狗捨其主食返從僕使而求覓之於當來世有菩
薩乘諸善男子善女人等棄捨一切佛法根本甚深

般若波羅蜜多求學二乘相應經典亦復如是當知是爲菩薩魔事復次善現譬如有人欲求香象得此象已捨而求跡於汝意云何是人有智不善現荅言是人無智佛言善現於當來世有菩薩乘諸善男子善女人等棄捨一切佛法根本甚深般若波羅蜜多求學二乘相應經典亦復如是當知是爲菩薩魔事復次善現譬如有人欲見大海既至海岸返觀牛跡作是念言大海中水淺深多少豈及此耶於汝意云何是人有智不善現荅言是人無智佛言善現於當來世有菩薩乘諸善男子善女人等棄捨一切佛法根本甚深般若波羅蜜多求學二乘相應經典亦復如是當知是爲菩薩魔事復次善現如有工匠或彼弟子欲造大殿如天帝釋殊勝殿量見彼殿已而返揆模日月宮殿於意云何如是工匠或彼弟子能造大殿量如帝釋殊勝殿不善現荅言不也世尊佛言善現於汝意云何是人有智不善現荅言是人無智是愚癡類佛言善現於當來世有菩薩乘諸善男子善女人等欲求無上正等菩提棄捨如是甚深般若波羅蜜多求學二乘相應經典亦復如是於意云何是善男子善女人等能得無上佛菩提不善現荅言

不也世尊佛言善現於意云何是善男子善女人等
是點慧不善現答言是愚癡類佛言善現如是如是
當知是爲菩薩魔事復次善現如人求見轉輪聖王
見已不識捨至餘處見凡小王取其形相作如是念
轉輪聖王形相威德與此何異於汝意云何是人
智不善現答言是人無智佛言善現於當來世有菩
薩乘諸善男子善女人等欲求無上正等菩提棄捨
如是甚深般若波羅蜜多求學二乘相應經典亦復
如是於意云何是善男子善女人等爲能證得大菩
提不善現答言不也世尊佛言善現於意云何是善

男子善女人等是點慧不善現答言是愚癡類佛言
善現如是如是當知是爲菩薩魔事復次善現如有
飢人得百味食棄而求噉兩月穀飯於汝意云何是
人有智不善現答言是人無智佛言善現於當來世
有菩薩乘諸善男子善女人等棄大般若波羅蜜多
甚深經典求學二乘相應經典於中欲求一切智智
亦復如是於意云何是善男子善女人等是點慧不
善現答言是愚癡類佛言善現如是如是當知是爲
菩薩魔事復次善現如有貧人得無價寶棄而求取
迦遮末尼於汝意云何是人
有智不善現答言是人

無智佛言善現於當來世有菩薩乘諸善男子善女人等棄大般若波羅蜜多甚深經典求學二乘相應經典於中欲求一切智智亦復如是於意云何是善男子善女人等是黠慧不善現答言是愚癡類佛言善現如是如是當知是爲菩薩魔事復次善現住菩薩乘諸善男子善女人等書大般若波羅蜜多甚深經時衆辯競起樂說種種差別法門令所書寫甚深般若波羅蜜多不得究竟當知是爲菩薩魔事所謂樂說布施淨戒安忍精進靜慮般若樂說欲界色無色界樂說受持讀誦宣說樂說看病修餘福業樂說

色樂說受想行識樂說眼處樂說耳鼻舌身意處樂說色處樂說聲香味觸法處樂說眼界樂說色眼界眼識界及眼觸眼觸爲緣所生諸受樂說耳界樂說聲界耳識界及耳觸耳觸爲緣所生諸受樂說鼻界樂說香界鼻識界及鼻觸鼻觸爲緣所生諸受樂說舌界樂說味界舌識界及舌觸舌觸爲緣所生諸受樂說身界樂說觸界身識界及身觸身觸爲緣所生諸受樂說意界樂說法界意識界及意觸意觸爲緣所生諸受樂說地界樂說水火風空識界樂說無明樂說行識名色六處觸受愛取有生老死愁歎苦憂惱

樂說布施波羅蜜多樂說淨戒安忍精進靜慮般若
波羅蜜多樂說內空樂說外空內外空空大空勝
義空有爲空無爲空畢竟空無際空散空無變異空
本性空自相空共相空一切法空不可得空無性空
自性空無性自性空樂說眞如樂說法界法性不虛
妄性不變異性平等性離生性法定法住實際虛空
界不思議界樂說苦聖諦樂說集滅道聖諦樂說四
靜慮樂說四無量四無色定樂說八解脫樂說八勝
處九次第定十徧處樂說四念住樂說四正斷四神
足五根五力七等覺支八聖道支樂說空解脫門樂
說無相無願解脫門樂說菩薩十地樂說五眼樂說
六神通樂說佛十力樂說四無所畏四無礙解大慈
大悲大喜大捨十八不共法樂說無忘失法樂說
恒住捨性樂說一切智樂說道相智一切相智樂說
一切陀羅尼門樂說一切三摩地門樂說預流果樂
說一來不還阿羅漢果樂說獨覺菩提樂說一切菩
薩摩訶薩行樂說諸佛阿耨多羅三藐三菩提何以
故善現甚深般若波羅蜜多中無樂說相故甚深般
若波羅蜜多難思議故甚深般若波羅蜜多無思慮
故甚深般若波羅蜜多無生滅故甚深般若波羅蜜

多無染淨故甚深般若波羅蜜多無定亂故甚深般若波羅蜜多離名言故甚深般若波羅蜜多不可說故甚深般若波羅蜜多不可得故所以者何善現甚深般若波羅蜜多中如前所說諸法皆無所有都不可得住菩薩乘諸善男子善女人等書寫般若波羅蜜多甚深經時如是諸法擾亂其心令不究竟當知是爲菩薩魔事爾時具壽善現白佛言世尊甚深般若波羅蜜多可書寫不佛言善現甚深般若波羅蜜多不可書寫何以故善現於此般若波羅蜜多甚深經中色自性無所有不可得受想行識自性無所有不可得眼處自性無所有不可得耳鼻舌身意處自性無所有不可得色處自性無所有不可得聲香味觸法處自性無所有不可得眼界自性無所有不可得色界眼識界及眼觸眼觸爲緣所生諸受自性無所有不可得耳界自性無所有不可得聲界耳識界及耳觸耳觸爲緣所生諸受自性無所有不可得鼻界自性無所有不可得香界鼻識界及鼻觸鼻觸爲緣所生諸受自性無所有不可得舌界自性無所有不可得味界舌識界及舌觸舌觸爲緣所生諸受自性無所有不可得身界自性無所有不可得觸界身

識界及身觸身觸爲緣所生諸受自性無所有不可
得意界自性無所有不可得法界意識界及意觸意
觸爲緣所生諸受自性無所有不可得地界自性無
所有不可得水火風空識界自性無所有不可得無
明自性無所有不可得行識名色六處觸受愛取有
生老死愁歎苦憂惱自性無所有不可得布施波羅
蜜多自性無所有不可得淨戒安忍精進靜慮般若
波羅蜜多自性無所有不可得內空自性無所有不
可得外空內外空空空大空勝義空有爲空無爲空
畢竟空無際空散空無變異空本性空自相空共相

空一切法空不可得空無性空自性空無性自性空
自性無所有不可得真如自性無所有不可得法界
法性不虛妄性不變異性平等性離生性法定法住
實際虛空界不思議界自性無所有不可得苦聖諦
自性無所有不可得集滅道聖諦自性無所有不可
得四靜慮自性無所有不可得四無量四無色定自
性無所有不可得八解脫自性無所有不可得八勝
處九次第定十遍處自性無所有不可得四念住自
性無所有不可得四正斷四神足五根五力七等覺
支八聖道支自性無所有不可得空解脫門自性無

所有不可得無相無願解脫門自性無所有不可得
菩薩十地自性無所有不可得五眼自性無所有不
可得六神通自性無所有不可得佛十力自性無所
有不可得四無所畏四無礙解大慈大悲大喜大捨
十八佛不共法自性無所有不可得無忘失法自性
無所有不可得恒住捨性自性無所有不可得一切
智自性無所有不可得道相智一切相智自性無所
有不可得一切陀羅尼門自性無所有不可得一切
三摩地門自性無所有不可得預流果自性無所有
不可得一來不還阿羅漢果自性無所有不可得獨

覺菩提自性無所有不可得一切菩薩摩訶薩行自
性無所有不可得諸佛無上正等菩提自性無所有
不可得善現諸法自性皆無所有不可得故即是無
性如是無性即是般若波羅蜜多非無性法能書無
性是故般若波羅蜜多不可書寫善現若菩薩乘諸
善男子善女人等作如是念於此般若波羅蜜多甚
深經中無性是色無性是受想行識無性是眼處無
性是耳鼻舌身意處無性是色處無性是聲香味觸
法處無性是眼界無性是色界眼識界及眼觸眼觸
爲緣所生諸受無性是耳界無性是聲界耳識界及

耳觸耳觸爲緣所生諸受無性是鼻界無性是香界
鼻識界及鼻觸鼻觸爲緣所生諸受無性是舌界無
性是味界舌識界及舌觸舌觸爲緣所生諸受無性
是身界無性是觸界身識界及身觸身觸爲緣所生
諸受無性是眼界無性是法界意識界及意觸意觸
爲緣所生諸受無性是地界無性是水火風空識界
無性是無明無性是行識名色六處觸受愛取有生
老死愁歎苦憂惱無性是布施波羅蜜多無性是淨
戒安忍精進靜慮般若波羅蜜多無性是內空無性
是外空內外空空空大空勝義空有爲空無爲空畢
竟空無際空散空無變異空本性空自相空共相空
一切法空不可得空無性空自性空無性自性空無
性是眞如無性是法界法性不虛妄性不變異性平
等性離生性法定法住實際虛空界不思議界無性
是苦聖諦無性是集滅道聖諦無性是四靜慮無性
是四無量四無色定無性是八解脫無性是八勝處
九次第定十徧處無性是四念住無性是四正斷四
神足五根五力七等覺支八聖道支無性是空解脫
門無性是無相無願解脫門無性是菩薩十地無性
是五眼無性是六神通無性是佛十力無性是四無

所畏四無礙解大慈大悲大喜大捨十八佛不共法
無性是無忘失法無性是恒住捨性無性是一切智
無性是道相智一切相智無性是一切陀羅尼門無
性是一切三摩地門無性是預流果無性是一來不
還阿羅漢果無性是獨覺菩提無性是一切菩薩摩
訶薩行無性是諸佛無上正等菩提當知是爲菩薩
魔事爾時具壽善現白佛言世尊若菩薩乘諸善男
子善女人等書寫如是甚深般若波羅蜜多作如是
念我以文字書寫般若波羅蜜多彼執文字能書般
若波羅蜜多當知是爲菩薩魔事何以故世尊於此
般若波羅蜜多甚深經中色無文字無想行識無文
字眼處無文字耳鼻舌身意處無文字色處無文字
聲香味觸法處無文字眼界無文字色眼界眼識界及
眼觸眼觸爲緣所生諸受無文字耳界無文字聲界
耳識界及耳觸耳觸爲緣所生諸受無文字鼻界無
文字香界鼻識界及鼻觸鼻觸爲緣所生諸受無文
字舌界無文字味界舌識界及舌觸舌觸爲緣所生
諸受無文字身界無文字觸界身識界及身觸身觸
爲緣所生諸受無文字意界無文字法界意識界及
意觸意觸爲緣所生諸受無文字地界無文字水火

風空識界無文字無明無文字行識名色六處觸受
愛取有生老死愁歎苦憂惱無文字布施波羅蜜多
無文字淨戒安忍精進靜慮般若波羅蜜多無文字
內空無文字外空內外空空空大空勝義空有爲空
無爲空畢竟空無際空散空無變異空本性空自相
空共相空一切法空不可得空無性空自性空無性
自性空無文字真如無文字法界法性不虛妄性不
變異性平等性離生性法定法任實際虛空界不思
議界無文字苦聖諦無文字集滅道聖諦無文字四
靜慮無文字四無量四無色定無文字八解脫無文
字八勝處九次第定十徧處無文字四念住無文字
四正斷四神足五根五力七等覺支八聖道支無文
字空解脫門無文字無相無願解脫門無文字菩薩
十地無文字五眼無文字六神通無文字佛十力無
文字四無所畏四無礙解大慈大悲大喜大捨十八
佛不共法無文字無忘失法無文字恒住捨性無文
字一切智無文字道相智一切相智無文字一切陀
羅尼門無文字一切三摩地門無文字預流果無文
字一來不還阿羅漢果無文字獨覺菩提無文字一
切菩薩摩訶薩行無文字諸佛無上正等菩提無文

字是故不應執有文字能書般若波羅蜜多世尊若
菩薩乘諸善男子善女人等作如是執於此般若波
羅蜜多甚深經中無文字是色無文字是受想行識
無文字是眼處無文字是耳鼻舌身意處無文字是
色處無文字是聲香味觸法處無文字是眼界無文
字是色界眼識界及眼觸眼觸爲緣所生諸受無文
字是耳界無文字是聲界耳識界及耳觸耳觸爲緣
所生諸受無文字是鼻界無文字是香界鼻識界及
鼻觸鼻觸爲緣所生諸受無文字是舌界無文字是
味界舌識界及舌觸舌觸爲緣所生諸受無文字是
身界無文字是觸界身識界及身觸身觸爲緣所生
諸受無文字是意界無文字是法界意識界及意觸
意觸爲緣所生諸受無文字是地界無文字是水
風空識界無文字是無明無文字是行識名色六處
觸受愛取有生老死愁歎苦憂惱無文字是布施波
羅蜜多無文字是淨戒安忍精進靜慮般若波羅蜜
多無文字是內空無文字是外空內外空空空大空
勝義空有爲空無爲空畢竟空無際空散空無變異
空本性空自相空共相空一切法空不可得空無性
空自性空無性自性空無文字是真如無文字是法

界法性不虛妄性不變異性平等性離生性法定法
住實際虛空界不思議界無文字是苦聖諦無文字
是集滅道聖諦無文字是四靜慮無文字是四無量
四無色定無文字是八解脫無文字是八勝處九次
第定十徧處無文字是四念住無文字是四正斷四
神足五根五力七等覺支八聖道支無文字是空解
脫門無文字是無相無願解脫門無文字是菩薩十
地無文字是五眼無文字是六神通無文字是佛十
力無文字是四無所畏四無礙解大慈大悲大喜大
捨十八佛不共法無文字是無忘失法無文字是恒
住捨性無文字是一切智無文字是道相智一切相
智無文字是一切陀羅尼門無文字是一切三摩地
門無文字是預流果無文字是一來不還阿羅漢果
無文字是獨覺菩提無文字是一切菩薩摩訶薩行
無文字是諸佛無上正等菩提當知是爲菩薩魔事
佛言善現如是如是如汝所說復次善現住菩薩乘
諸善男子善女人等書寫受持讀誦修習思惟演說
如是般若波羅蜜多甚深經時若起國土念若起城
邑念若起王都念若起方處念當知是爲菩薩魔事
復次善現住菩薩乘諸善男子善女人等書寫受持

讀誦修習思惟演說如是般若波羅蜜多甚深經時
若起親教軌範念若起同學善友念若起父母妻子
念若起兄弟姊妹念若起親戚朋侶念當知是爲菩
薩魔事復次善現住菩薩乘諸善男子善女人等書
寫受持讀誦修習思惟演說如是般若波羅蜜多甚
深經時若起惡賊惡獸念若起惡人惡鬼念若起衆
會遊戲念若起姪女歡娛念若起報恩報怨念若起
諸餘無量異念皆是惡魔之所引發爲障般若波羅
蜜多當知是爲菩薩魔事復次善現住菩薩乘諸善
男子善女人等書寫受持讀誦修習思惟演說如是
般若波羅蜜多甚深經時得大名譽恭敬供養所謂
衣服飲食卧具醫藥資財是善男子善女人等受著
是事廢所作業當知是爲菩薩魔事復次善現住菩
薩乘諸善男子善女人等書寫受持讀誦修習思惟
演說如是般若波羅蜜多甚深經時有諸惡魔執持
種種世俗書論或復二乘相應經典詐現親友授與
菩薩此中廣說世俗勝事或復廣說諸蘊界處諦實
緣起三十七種菩提分法三解脫門四靜慮等言是
經典義趣深奧應勤修學捨所習經是菩薩乘諸善
男子善女人等善巧方便不應受著惡魔所與世俗

書論或二乘經所以者何世俗書論二乘經典不能
引發一切智智非趣無上正等菩提巧方便故善現
我此般若波羅蜜多甚深經中廣說菩薩摩訶薩道
善巧方便若於此中精勤修學速證無上正等菩提
若菩薩乘諸善男子善女人等棄捨般若波羅蜜多
甚深經典受學惡魔世俗書論或二乘經當知是爲
菩薩魔事復次善現能聽法者愛樂聽聞書寫受持
讀誦修習甚深般若波羅蜜多能說法者著樂懈怠
不欲爲說當知是爲菩薩魔事復次善現能說法者
心不著樂亦不懈怠樂爲他說甚深般若波羅蜜多
方便勸勵書寫受持讀誦修習能聽法者懈怠著樂
不欲聽受當知是爲菩薩魔事復次善現能聽法者
愛樂聽聞書寫受持讀誦修習甚深般若波羅蜜多
能說法者欲適他方不獲爲說當知是爲菩薩魔事
復次善現能說法者樂爲他說甚深般若波羅蜜多
方便勸勵書寫受持讀誦修習能聽法者欲適他方
不獲聽受當知是爲菩薩魔事復次善現能說法者
具大惡欲愛重名利衣服飲食卧具醫藥供養資財
能聽法者少欲喜足修遠離行勇猛正勤具念定慧
厭怖利養恭敬名譽兩不和合不獲說聽書寫受持

讀誦修習甚深般若波羅蜜多當知是爲菩薩魔事
復次善現能說法者少欲喜足修遠離行勇猛正勤
具念定慧厭怖利養恭敬名譽能聽法者具大惡欲
愛重名利衣服飲食卧具醫藥供養資財兩不和合
不獲說聽書寫受持讀誦修習甚深般若波羅蜜多
當知是爲菩薩魔事復次善現能說法者受行十二
杜多功德一住阿練若處二常乞食三糞掃衣四一
受食五一坐食六隨得食七塚間住八露地住九樹
下住十常坐不卧十一隨得敷具十二但三衣能聽
法者不受十二杜多功德謂不住阿練若處乃至不
受但三衣兩不和合不獲說聽書寫受持讀誦修習
甚深般若波羅蜜多當知是爲菩薩魔事復次善現
能聽法者受行十二杜多功德謂住阿練若處乃至
受但三衣能說法者不受十二杜多功德謂不住阿
練若處乃至不受但三衣兩不和合不獲說聽書寫
受持讀誦修習甚深般若波羅蜜多當知是爲菩薩
魔事復次善現能說法者有戒有善意樂欲爲
他說甚深般若波羅蜜多方便勸勵書寫受持讀誦
修習能聽法者無信無戒無善意樂不樂聽受兩不
和合不獲說聽書寫受持讀誦修習甚深般若波羅

蜜多當知是爲菩薩魔事復次善現能聽法者有信
有戒有善意樂求欲聽問書寫受持讀誦修習甚深
般若波羅蜜多能說法者無信無戒無善意樂不欲
爲說兩不和合不獲說聽書寫受持讀誦修習甚深
般若波羅蜜多當知是爲菩薩魔事復次善現能說
法者心無慳悋一切能捨能聽法者心有慳悋不能
棄捨兩不和合不獲說聽書寫受持讀誦修習甚深
般若波羅蜜多當知是爲菩薩魔事復次善現能聽
法者心無慳悋一切能捨能說法者心有慳悋不能
棄捨兩不和合不獲說聽書寫受持讀誦修習甚深

般若波羅蜜多當知是爲菩薩魔事復次善現能聽
法者欲求供養能說法者衣服飲食卧具醫藥及餘
資財能說法者不樂受用兩不和合不獲說聽書寫
受持讀誦修習甚深般若波羅蜜多當知是爲菩薩
魔事復次善現能說法者欲求供給能聽法者衣服
飲食卧具醫藥及餘資財能聽法者不樂受用兩不
和合不獲說聽書寫受持讀誦修習甚深般若波羅
蜜多當知是爲菩薩魔事復次善現能說法者成就
開智不樂廣說能聽法者成就演智不樂畧說兩不
和合不獲說聽書寫受持讀誦修習甚深般若波羅

蜜多當知是爲菩薩魔事復次善現能聽法者成就
開智唯樂畧說能說法者成就演智唯樂廣說兩不
和合不獲說聽書寫受持讀誦修習甚深般若波羅
蜜多當知是爲菩薩魔事復次善現能說法者專樂
廣知十二分教次第法義所謂契經應頌記別諷頌
自說因緣譬喻本事本生方廣希法論義能聽法者
不樂廣知十二分教次第法義所謂契經乃至論義
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能聽法者
專樂廣知十二分教次第法義所謂契經乃至論義
能說法者不樂廣知十二分教次第法義所謂契經
乃至論義兩不和合不獲說聽書寫受持讀誦修習
甚深般若波羅蜜多當知是爲菩薩魔事復次善現
能說法者已成就六波羅蜜多能聽法者未成就六
波羅蜜多兩不和合不獲說聽書寫受持讀誦修習
甚深般若波羅蜜多當知是爲菩薩魔事復次善現
能聽法者已成就六波羅蜜多能說法者未成就六
波羅蜜多兩不和合不獲說聽書寫受持讀誦修習
甚深般若波羅蜜多當知是爲菩薩魔事

大般若波羅蜜多經卷三百三

音釋

欠

欠去劍切。丘加切。謂氣擁滯。欠。而解也。

輕蔑

謂輕易。陵蔑也。

擾

也。亂也。

欵

許勿切。卒起貌。

揆

胡切。規也。揆。謂有

所揆度

也。不俯九切。

不也

不可也。

點慧

點。胡憂切。亦慧也。

徒濫切

軌範

軌居洧切。範音犯。謂軌則。範模也。

姊

蔣兒切。

杜多

梵語也。亦

云頭陀

此云修治。謂靜行。杜徒古切。

阿練若

梵語也。此云寂靜處。若尔者。切。

塚間

塚。知隴切。塚。丘開切。亦格也。格。良

高墳也

慳悋

慳。丘開切。悋。也。悋。良

也。悋。良

休寧居士

劉懋賢

同弟懋貞

懋賞

仰承

先嚴劉新志

府君

法施遺願

施貲刻

武林釋大能

對金陵傳文貞書

深水陳秉達刻

萬曆庚戌歲七月

徑山寂照庵

謙

大般若波羅蜜多經卷第三百四

唐三藏法師玄奘奉詔譯

初分魔事品第四十二

復次善現能說法者於六波羅蜜多有方便善巧能聽法者於六波羅蜜多無方便善巧兩不和合不獲說聽書寫受持讀誦修習甚深般若波羅蜜多當知是為菩薩魔事復次善現能聽法者於六波羅蜜多有方便善巧能說法者於六波羅蜜多無方便善巧兩不和合不獲說聽書寫受持讀誦修習甚深般若波羅蜜多當知是為菩薩魔事復次善現能說法者

已得陀羅尼能聽法者未得陀羅尼兩不和合不獲
說聽書寫受持讀誦修習甚深般若波羅蜜多當知
是爲菩薩魔事復次善現能聽法者已得陀羅尼能
說法者未得陀羅尼兩不和合不獲說聽書寫受持
讀誦修習甚深般若波羅蜜多當知是爲菩薩魔事
復次善現能說法者欲令恭敬書寫受持讀誦修習
甚深般若波羅蜜多能聽法者不欲恭敬書寫受持
讀誦修習甚深般若波羅蜜多兩不和合不獲說聽
書寫受持讀誦修習甚深般若波羅蜜多當知是爲
菩薩魔事復次善現能聽法者欲得恭敬書寫受持
讀誦修習甚深般若波羅蜜多能說法者不欲恭敬
書寫受持讀誦修習甚深般若波羅蜜多兩不和合
不獲說聽書寫受持讀誦修習甚深般若波羅蜜多
當知是爲菩薩魔事復次善現能說法者已離貪欲
瞋恚惛沉睡眠掉舉惡作疑蓋能聽法者未離貪欲
瞋恚惛沉睡眠掉舉惡作疑蓋兩不和合不獲說聽
書寫受持讀誦修習甚深般若波羅蜜多當知是爲
菩薩魔事復次善現能聽法者已離貪欲瞋恚惛沉
睡眠掉舉惡作疑蓋能說法者未離貪欲瞋恚惛沉
睡眠掉舉惡作疑蓋兩不和合不獲說聽書寫受持

讀誦修習甚深般若波羅蜜多當知是爲菩薩魔事
復次善現若有書寫受持讀誦修習思惟演說般若
波羅蜜多甚深經時或有人來說三惡趣種種苦事
因復告言汝於是身應勤精進速盡苦際而般涅槃
何因稽留生死大海受百千種難忍苦事求趣無上
正等菩提彼由此言於所書寫受持讀誦修習思惟
演說般若波羅蜜多甚深經事不得究竟當知是爲
菩薩魔事復次善現若有書寫受持讀誦修習思惟
演說般若波羅蜜多甚深經時或有人來讚說人趣
種種勝事讚說四大王衆天三十三天夜摩天覩史

多天樂變化天佗化自在天諸勝妙事讚說梵衆天
梵輔天梵會天大梵天諸勝妙事讚說光天少光天
無量光天極光淨天諸勝妙事讚說淨天少淨天無
量淨天徧淨天諸勝妙事讚說廣天少廣天無量廣
天廣果天諸勝妙事讚說無煩天無熱天善現天善
見天色究竟天諸勝妙事讚說空無邊處識無邊處
無所有處非想非非想處諸勝妙事因復告言雖於
欲界受諸欲樂於色界中受靜慮樂在無色界受寂
定樂而彼皆是無常苦空無我不淨變壞之法盡法
謝法離法滅法汝於此身何不精進取預流果若一

來果若不還果若阿羅漢果若獨覺菩提而般涅槃
畢竟安樂何用久處生死輪迴無事爲他受諸苦惱
求趣無上正等菩提彼由此言於所書寫受持讀誦
修習思惟演說般若波羅蜜多甚深經事不得究竟
當知是爲菩薩魔事復次善現能說法者一身無累
無礙自在能聽法者多將人衆纏擾繫縛兩不和合
不獲說聽書寫受持讀誦修習甚深般若波羅蜜多
當知是爲菩薩魔事復次善現能聽法者一身無累
無礙自在能說法者多將人衆纏擾繫縛兩不和合
不獲說聽書寫受持讀誦修習甚深般若波羅蜜多
當知是爲菩薩魔事復次善現能說法者不樂衆雜
能聽法者樂處衆雜兩不和合不獲說聽書寫受持
讀誦修習甚深般若波羅蜜多當知是爲菩薩魔事
復次善現能聽法者不樂衆雜能說法者樂處衆雜
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能說法者
欲令聽者於我所作悉皆隨助能聽法者不隨其欲
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能聽法者
欲於說者諸所作事悉皆隨助能說法者不隨其欲

兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能說法者
爲財利故欲爲他說甚深般若波羅蜜多復欲令彼
書寫受持讀誦修習能聽法者知其所爲不欲從受
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能聽法者
爲財利故欲請他說甚深般若波羅蜜多復欲方便
書寫受持讀誦修習能說法者知其所爲而不隨請
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能說法者
欲適他方危身命處能聽法者恐失身命不欲隨往
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能聽法者
欲適他方危身命處能說法者恐失身命不欲共往
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能說法者
欲適他方儉食水處能聽法者慮彼艱辛不欲隨往
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能聽法者
欲適他方儉食水處能說法者慮彼艱辛而不共往

兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能說法者
欲適他方豐樂之所能聽法者欲隨其去時說法者
方便誠言汝雖爲利欲隨我往而汝至彼豈必遂心
宜善審思勿後憂悔時聽法者聞已念言是彼不欲
令我去相設固隨往豈必聞法由此因緣不隨其去
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能說法者
欲往他方所經道路曠野險難多有賊怖旃荼羅怖
獵師惡獸毒蛇等怖能聽法者欲隨其往時說法者
方便誠言汝今何故無事隨我欲經如是諸險難處
可善審思勿後致悔時聽法者聞已念言此應不欲
令我隨往設固隨往豈必聞法由此因緣不隨其去
兩不和合不獲說聽書寫受持讀誦修習甚深般若
波羅蜜多當知是爲菩薩魔事復次善現能說法者
多有施主數相追隨聽法者來請說般若波羅蜜多
緣礙無暇卽說聽者起嫌後說不受兩不和合不獲
說聽書寫受持讀誦修習甚深般若波羅蜜多當知
是爲菩薩魔事復次善現有諸惡魔作苾芻像至菩
薩所方便破壞令於般若波羅蜜多甚深經典不得

書寫受持讀誦修習思惟爲他演說時具壽善現白
佛言世尊云何惡魔作苾芻像至菩薩所方便破壞
令於般若波羅蜜多甚深經典不得書寫受持讀誦
修習思惟爲他演說佛言善現有諸惡魔作苾芻像
至菩薩所方便破壞令其毀壞甚深般若波羅蜜多
謂作是言汝所習誦無相經典非真般若波羅蜜多
我所習誦有相經典是真般若波羅蜜多作是語時
有諸菩薩未得受記便於般若波羅蜜多而生疑惑
由疑惑故便於般若波羅蜜多而生毀壞由毀壞故
遂闕書寫受持讀誦修習思惟爲他演說甚深般若
波羅蜜多當知是爲菩薩魔事復次善現有諸惡魔
作苾芻像至菩薩所謂菩薩言若諸菩薩行此般若
波羅蜜多唯證實際得預流果若一來果若不還果
若阿羅漢果若獨覺菩提終不能得無上佛果何緣
於此唐設劬勞菩薩旣聞便不書寫受持讀誦修習
思惟爲他演說甚深般若波羅蜜多當知是爲菩薩
魔事復次善現甚深般若波羅蜜多說聽等時多諸
魔事而爲留難菩薩應覺當遠離之時具壽善現白
佛言世尊何等名爲魔事留難菩薩當覺而遠離之
佛言善現甚深般若波羅蜜多說聽等時多有相似

般若靜慮精進安忍淨戒布施波羅蜜多魔事留難
菩薩應覺而遠離之復次善現甚深般若波羅蜜多
說聽等時多有相似內空空內外空空大空勝
義空有爲空無爲空畢竟空無際空散空無變異空
本性空自相空共相空一切法空不可得空無性空
自性空無性自性空魔事留難菩薩應覺當遠離之
復次善現甚深般若波羅蜜多說聽等時多有相似
眞如法界法性不虛妄性不變異性平等性離生性
法定法住實際虛空界不思議界魔事留難菩薩應
覺當遠離之復次善現甚深般若波羅蜜多說聽等
時有諸惡魔作苾芻像至菩薩所宣說二乘相應之
法謂四聖諦四靜慮四無量四無色定八解脫八勝
處九次第定十徧處四念住四正斷四神足五根五
力七等覺支八聖道支三解脫門六神通等說是法
已謂菩薩言大士當知且依此法精勤修學取預流
果若一來果若不還果若阿羅漢果若獨覺菩提遠
離一切生老病死何用無上正等菩提是爲般若魔
事留難菩薩應覺當遠離之復次善現有諸惡魔作
苾芻像威儀庠序形貌端嚴菩薩見之深生愛著由
斯損減一切智智不獲聽問書寫受持讀誦修習思

惟演說甚深般若波羅蜜多當知是爲菩薩魔事復次善現有諸惡魔作佛形像身純金色常光一尋具三十二大丈夫相八十隨好以自莊嚴菩薩見之深生愛著由斯損減一切智智不獲聽問書寫受持讀誦修習思惟惟演說甚深般若波羅蜜多當知是爲菩薩魔事復次善現有諸惡魔化作佛像苾芻圍繞宣說法要菩薩見之深生愛著便作是念願我未來亦當如是由斯損減一切智智不獲聽問書寫受持讀誦修習思惟惟演說甚深般若波羅蜜多當知是爲菩薩魔事復次善現有諸惡魔化作菩薩摩訶薩像若百若千乃至無量或行布施波羅蜜多或行淨戒安忍精進靜慮般若波羅蜜多菩薩見之深生愛著由斯損減一切智智不獲聽問書寫受持讀誦修習思惟惟演說甚深般若波羅蜜多當知是爲菩薩魔事所以者何善現於甚深般若波羅蜜多中色無所有受想行識無所有若於是處色無所有受想行識無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中眼處無所有耳鼻舌身意處無所有若於是處眼處無所有耳鼻舌身意處無所有則於是處

經

大般若經卷三

九

四

經

大般若經卷三

九

四

佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中色處無所有聲香味觸法處無所有若於是處色處無所有聲香味觸法處無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中眼界無所有若於是處眼界無所有色界乃至眼觸爲緣所生諸受無所有若於是處眼界無所有色界乃至眼觸爲緣所生諸受無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中耳界無所有聲界耳識界及耳觸耳觸爲緣所生諸受無所有若於是處耳界無所有聲界乃至耳觸爲緣所生諸受無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中鼻界無所有香界鼻識界及鼻觸鼻觸爲緣所生諸受無所有若於是處鼻界無所有香界乃至鼻觸爲緣所生諸受無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中舌界無所有味界舌識界及舌觸

舌觸爲緣所生諸受無所有若於是處舌界無所有
味界乃至舌觸爲緣所生諸受無所有則於是處佛
無所有菩薩聲聞及諸獨覺亦無所有何以故以一
切法自性空故善現於甚深般若波羅蜜多中身界
無所有觸界身識界及身觸身觸爲緣所生諸受無
所有若於是處身界無所有觸界乃至身觸爲緣所
生諸受無所有則於是處佛無所有菩薩聲聞及諸
獨覺亦無所有何以故以一切法自性空故善現於
甚深般若波羅蜜多中意界無所有法界意識界及
意觸意觸爲緣所生諸受無所有若於是處意界無
所有法界乃至意觸爲緣所生諸受無所有則於是
處佛無所有菩薩聲聞及諸獨覺亦無所有何以故
以一切法自性空故善現於甚深般若波羅蜜多中
地界無所有水火風空識界無所有若於是處地界
無所有水火風空識界無所有則於是處佛無所有
菩薩聲聞及諸獨覺亦無所有何以故以一切法自
性空故善現於甚深般若波羅蜜多中無明無所有
行識名色六處觸受愛取有生老死愁歎苦憂惱無
所有若於是處無明無所有行乃至老死愁歎苦憂
惱無所有則於是處佛無所有菩薩聲聞及諸獨覺

亦無所有何以故以一切法自性空故善現於甚深
般若波羅蜜多中布施波羅蜜多無所有淨戒安忍
精進靜慮般若波羅蜜多無所有若於是處布施波
羅蜜多無所有淨戒乃至般若波羅蜜多無所有則
於是處佛無所有菩薩聲聞及諸獨覺亦無所有何
以故以一切法自性空故善現於甚深般若波羅蜜
多中內空無所有外空內外空空大空勝義空有
爲空無爲空畢竟空無際空散空無變異空本性空
自相空共相空一切法空不可得空無性空自性空
無性自性空無所有若於是處內空無所有外空乃
至無性自性空無所有則於是處佛無所有菩薩聲
聞及諸獨覺亦無所有何以故以一切法自性空故
善現於甚深般若波羅蜜多中真如無所有法界法
性不虛妄性不變異性平等性離生性法定法住實
際虛空界不思議界無所有若於是處真如無所有
法界乃至不思議界無所有則於是處佛無所有菩
薩聲聞及諸獨覺亦無所有何以故以一切法自性
空故善現於甚深般若波羅蜜多中苦聖諦無所有
集滅道聖諦無所有若於是處苦聖諦無所有集滅
道聖諦無所有則於是處佛無所有菩薩聲聞及諸

獨覺亦無所有何以故以一切法自性空故善現於甚深般若波羅蜜多中四靜慮無所有四無量四無色定無所有若於是處四靜慮無所有四無量四無色定無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中八解脫無所有八勝處九次第定十徧處無所有若於是處八解脫無所有八勝處九次第定十徧處無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中四念住無所有四正斷四神足五根五力七等覺支八聖道支無所有若於是處四念住無所有四正斷乃至八聖道支無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中空解脫門無所有無相無願解脫門無所有若於是處空解脫門無所有無相無願解脫門無所有則於是處佛無所有菩薩聲聞及諸獨覺亦無所有何以故以一切法自性空故善現於甚深般若波羅蜜多中菩薩十地無所有若於是處菩薩十地無所有則於是處佛無所有菩薩聲聞及諸獨覺

亦無所有何以故以一切法自性空故善現於甚深
般若波羅蜜多中五眼無所有六神通無所有若於
是處五眼無所有六神通無所有則於是處佛無所
有菩薩聲聞及諸獨覺亦無所有何以故以一切法
自性空故善現於甚深般若波羅蜜多中佛十力無
所有四無所畏四無礙解大慈大悲大喜大捨十八
佛不共法無所有若於是處佛十力無所有四無所
畏乃至十八佛不共法無所有則於是處佛無所有
菩薩聲聞及諸獨覺亦無所有何以故以一切法自
性空故善現於甚深般若波羅蜜多中無忘失法無
所有恒住捨性無所有若於是處無忘失法無所有
恒住捨性無所有則於是處佛無所有菩薩聲聞及
諸獨覺亦無所有何以故以一切法自性空故善現
於甚深般若波羅蜜多中一切智無所有道相智一
切相智無所有若於是處一切智無所有道相智一
切相智無所有則於是處佛無所有菩薩聲聞及諸
獨覺亦無所有何以故以一切法自性空故善現於
甚深般若波羅蜜多中一切陀羅尼門無所有一切
三摩地門無所有若於是處一切陀羅尼門無所有一
一切三摩地門無所有則於是處佛無所有菩薩聲

聞及諸獨覺亦無所有何以故以一切法自性空
善現於甚深般若波羅蜜多中預流果無所有一來
不還阿羅漢果無所有若於是處預流果無所有一
來不還阿羅漢果無所有則於是處佛無所有菩薩
聲聞及諸獨覺亦無所有何以故以一切法自性空
故善現於甚深般若波羅蜜多中獨覺菩提無所有
若於是處獨覺菩提無所有則於是處佛無所有菩
薩聲聞及諸獨覺亦無所有何以故以一切法自性
空故善現於甚深般若波羅蜜多中一切菩薩摩訶
薩行無所有若於是處一切菩薩摩訶薩行無所有
則於是處佛無所有菩薩聲聞及諸獨覺亦無所有
何以故以一切法自性空故善現於甚深般若波羅
蜜多中諸佛無上正等菩提無所有若於是處諸佛
無上正等菩提無所有則於是處佛無所有菩薩聲
聞及諸獨覺亦無所有何以故以一切法自性空故
復次善現住菩薩乘諸善男子善女人等聽問書寫
受持讀誦修習思惟爲他演說如是般若波羅蜜多
甚深經時多有留難違害事起令少福者事不成就
如瞻部洲有諸珍寶謂吠瑠璃螺貝璧玉珊瑚石藏
末尼眞珠帝青大青金銀等寶多有盜賊違害留難

經

大般若經卷三十四

十四

十四

經

大般若經卷三十四

十四

十四

諸薄福人求不能得甚深般若波羅蜜多無價寶珠亦復如是諸少福者聽問等時多諸惡魔爲作留難具壽善現卽白佛言如是世尊如是善逝甚深般若波羅蜜多如瞻部洲吠瑠璃等種種珍寶多有留難諸薄福人求不能得住菩薩乘諸善男子善女人等少福德故聽問等時多諸留難雖有樂欲而不能成所以者何有愚癡者爲魔所使住菩薩乘諸善男子善女人等聽問書寫受持讀誦修習思惟爲他演說如是般若波羅蜜多甚深經時爲作留難世尊彼愚癡者覺慧薄劣自不聽問書寫受持讀誦修習思惟演說甚深般若波羅蜜多復樂障他聽問書寫受持讀誦修習思惟爲他演說甚深般若波羅蜜多世尊彼愚癡者不樂大法自於般若波羅蜜多甚深經典不樂聽問書寫受持讀誦修習思惟演說於他聽問書寫受持讀誦修習思惟演說如是般若波羅蜜多甚深經時復爲障礙佛言善現如是如有愚癡人爲魔所使未種善根福慧薄劣未於佛所發弘誓願未爲善友之所攝受自於般若波羅蜜多甚深經典不能聽問書寫受持讀誦修習思惟演說新學大乘諸善男子善女人等聽問書寫受持讀誦修習思惟

爲他演說如是般若波羅蜜多甚深經時爲作留難
善現於當來世有善男子善女人等覺慧薄劣善根
微少於諸如來廣大功德心不欣樂自於般若波羅
蜜多甚深經典不能聽問書寫受持讀誦修習思惟
廣說復樂障他聽問書寫受持讀誦修習思惟爲他
演說甚深般若波羅蜜多復次善現住菩薩乘諸善
男子善女人等聽問書寫受持讀誦修習思惟爲他
演說如是般若波羅蜜多甚深經時多有魔事善現
若善男子善女人等聽問書寫受持讀誦修習思惟
爲他演說如是般若波羅蜜多甚深經時無諸魔事

復能圓滿般若靜慮精進安忍淨戒布施波羅蜜多
復能圓滿內空外空內外空空大空勝義空有爲
空無爲空畢竟空無際空散空無變異空本性空自
相空共相空一切法空不可得空無性空自性空無
性自性空復能圓滿眞如法界法性不虛妄性不變
異性平等性離生性法定法住實際虛空界不思議
界復能圓滿苦聖諦集滅道聖諦復能圓滿四靜慮
四無量四無色定復能圓滿八解脫八勝處九次第
定十徧處復能圓滿四念住四正斷四神足五根五
力七等覺支八聖道支復能圓滿空解脫門無相無

願解脫門復能圓滿菩薩十地復能圓滿五眼六神通復能圓滿佛十力四無所畏四無礙解大慈大悲大喜大捨十八佛不共法復能圓滿無忘失法恒住捨性復能圓滿一切智道相智一切相智復能圓滿一切陀羅尼門一切三摩地門復能圓滿一切菩薩摩訶薩行復能圓滿諸佛無上正等菩提善現當知皆是佛威神力加祐如是諸善男子善女人等令其聽問書寫受持讀誦修習思惟演說如是般若波羅蜜多甚深經時魔事不起復令圓滿般若靜慮精進安忍淨戒布施波羅蜜多復令圓滿內空外空空空大空勝義空有爲空無爲空畢竟空無際空散空無變異空空本性空自相空共相空一切法空不可得空無性空自性空無性自性空復令圓滿眞如法界法性不虛妄性不變異性平等性離生性法定法住實際虛空界不思議界復令圓滿苦聖諦集滅道聖諦復令圓滿四靜慮四無量四無色定復令圓滿八解脫八勝處九次第定十徧處復令圓滿四念住四正斷四神足五根五力七等覺支八聖道支復令圓滿解脫門無相無願解脫門復令圓滿菩薩十地復令圓滿五眼六神通復令圓滿佛十力四無

所畏四無礙解大慈大悲大喜大捨十八佛不共法
復令圓滿無忘失法恒住捨性復令圓滿一切智道
相智一切相智復令圓滿一切陀羅尼門一切三摩
地門復令圓滿一切菩薩摩訶薩行復令圓滿諸佛
無上正等菩提復次善現十方世界一切如來應正
等覺爲諸有情現說法者亦以神力加祐如是諸善
男子善女人等令其聽問書寫受持讀誦修習思惟
演說如是般若波羅蜜多甚深經時無諸魔事善現
十方世界不退轉位一切菩薩摩訶薩衆亦以神力
加祐如是諸善男子善女人等令其聽問書寫受持
讀誦修習思惟演說如是般若波羅蜜多甚深經時
無諸魔事

大般若波羅蜜多經卷第三百四

校讎

第六紙

三行豈必聞法南
藏作何必聞法

第七紙

十二行菩薩應
覺南藏作菩薩

音釋

惛沉

惛音昏
不明也

掉舉

掉徒弔切搖也舉動

稽留

稽音
雞止

旃荼羅

梵語也亦云旃荼羅此云獵師

獵師

獵良獵
切獵師

捕獵禽獸

數相

數音朔
頻數也

劬勞

劬音衢
勤也

庠序

庠音祥
庠序謂

經

大般若波羅蜜多經

七

周四

安詳式
序也

吹瑠璃

梵語也此云青色寶吹符廢切

依寧居士劉懋賢同弟懋貞懋賞仰承

先嚴劉新志府君法施遺願施貲刻

大般若經第三百四卷

江陰釋在誠對長洲徐普書上元戴仕麟刻
萬曆庚戌歲秋八月徑山寂照庵識

大般若波羅蜜多經卷第三百五

唐三藏法師玄奘奉詔譯

初分佛母品第四十一之一

佛言善現譬如女人生育諸子若五若十二若三十
四十五十或百或千其母得病諸子各各勤求醫療
作是念言云何我母當得無病長壽安樂身無衆苦
心離愁憂諸子爾時各作方便求安樂具覆護母身
勿爲蚊蠱蛇蝎寒熱飢渴等觸之所侵惱又以種種
上妙樂具恭敬供養而作是言我母慈悲生育我等
教示種種世間事務我等豈得不報母恩善現如來

應正等覺亦復如是常以佛眼觀視護念甚深般若波羅蜜多何以故善現甚深般若波羅蜜多能生我等一切佛法能示世間諸法實相十方世界一切如來應正等覺現說法者亦以佛眼常觀護念甚深般若波羅蜜多何以故善現甚深般若波羅蜜多能生諸佛一切功德能示世間諸法實相由此因緣我等諸佛常以佛眼觀視護念甚深般若波羅蜜多爲報彼恩不應暫捨何以故善現一切如來應正等覺般若靜慮精進安忍淨戒布施波羅蜜多皆由如是甚深般若波羅蜜多而得生故一切內空外空內外空

空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空皆由如是甚深般若波羅蜜多而得現故一切真如法界法性不虛妄性不變異性平等性離生性法定法住實際虛空界不思議界皆由如是甚深般若波羅蜜多而得現故一切苦聖諦集滅道聖諦皆由如是甚深般若波羅蜜多而得現故一切四靜慮四無量四無色定皆由如是甚深般若波羅蜜多而得生故一切八解脫八勝處九次第定十徧處皆由如是甚深般若波羅蜜

多而得生故一切四念住四正斷四神足五根五力
七等覺支八聖道支皆由如是甚深般若波羅蜜多
而得生故一切空解脫門無相無願解脫門皆由如
是甚深般若波羅蜜多而得生故一切菩薩十地皆
由如是甚深般若波羅蜜多而得生故一切五眼六
神通皆由如是甚深般若波羅蜜多而得生故一切
佛十力四無所畏四無礙解大慈大悲大喜大捨十
八不共法皆由如是甚深般若波羅蜜多而得生
故一切無忘失法恒住捨性皆由如是甚深般若波
羅蜜多而得生故一切智道相智一切相智皆由如
是甚深般若波羅蜜多而得生故一切陀羅尼門一
切三摩地門皆由如是甚深般若波羅蜜多而得生
故一切預流預流果一來一來果不還不還果阿羅
漢阿羅漢果皆由如是甚深般若波羅蜜多而得生
故一切獨覺獨覺菩提皆由如是甚深般若波羅蜜
多而得生故一切菩薩摩訶薩及諸菩薩摩訶薩行
皆由如是甚深般若波羅蜜多而得生故一切如來
應正等覺諸佛無上正等菩提皆由如是甚深般若
波羅蜜多而得生故善現一切如來應正等覺已得
無上正等菩提今得無上正等菩提當得無上正等

苦提皆因如是甚深般若波羅蜜多由此因緣甚深般若波羅蜜多於諸如來有大恩德是故諸佛常以佛眼觀視護念甚深般若波羅蜜多善現住菩薩乘諸善男子善女人等若能聽問書寫受持讀誦修習思惟廣說甚深般若波羅蜜多一切如來應正等覺常以佛眼觀視護念令其身心常得安樂所修善業無諸留難善現住菩薩乘諸善男子善女人等若能於此甚深般若波羅蜜多聽問書寫受持讀誦修習思惟爲他演說十方世界一切如來應正等覺皆共護念令於無上正等菩提得不退轉爾時具壽善現

白佛言如世尊說甚深般若波羅蜜多能生諸佛甚深般若波羅蜜多能示世間諸法實相世尊云何甚深般若波羅蜜多能生諸佛云何甚深般若波羅蜜多能示世間諸法實相云何諸佛從甚深般若波羅蜜多生云何諸佛說世間相佛言善現甚深般若波羅蜜多能生一切如來應正等覺所有五眼六神通若佛十力四無所畏四無礙解大慈大悲大喜大捨十八佛不共法若無忘失法恒住捨性若一切智道相智一切相智善現如是等無量無邊諸佛功德皆從甚深般若波羅蜜多生由得如是諸佛功德故名

爲佛甚深般若波羅蜜多能生如是諸佛功德由此故說能生諸佛亦說諸佛從甚深般若波羅蜜多生善現甚深般若波羅蜜多能示世間諸法實相者謂能示世間五蘊實相一切如來應正等覺亦說世間五蘊實相世尊云何諸佛甚深般若波羅蜜多說示世間五蘊實相善現諸佛般若波羅蜜多俱不說示五蘊有成有壞有生有滅有染有淨有增有減有入有出俱不說示五蘊有過去有未來有現在有善有不善有無記有欲界繫有色界繫有無色界繫所以者何善現非諸空法有成有壞非無相法有成有壞

非無願法有成有壞非無作法有成有壞非無生滅法有成有壞非無體性法有成有壞善現諸佛般若波羅蜜多如是說示五蘊實相此五蘊相卽是世間是故世間亦無成壞生滅等相復次善現一切如來應正等覺皆依般若波羅蜜多普能證知諸有情類無量無數心行差別然此般若波羅蜜多甚深理中無有情無有情施設可得無色無色施設可得無受想行識無受想行識施設可得無眼處無眼處施設可得無耳鼻舌身意處無耳鼻舌身意處施設可得無色處無色處施設可得無聲香味觸法處無聲香

味觸法處施設可得無眼界無眼界施設可得無色
眼界識界及眼觸眼觸爲緣所生諸受無色界乃至
眼觸爲緣所生諸受施設可得無耳界無耳界施設
可得無聲界耳識界及耳觸耳觸爲緣所生諸受無
聲界乃至耳觸爲緣所生諸受施設可得無鼻界無
鼻界施設可得無香界鼻識界及鼻觸鼻觸爲緣所
生諸受無香界乃至鼻觸爲緣所生諸受施設可得
無舌界無舌界施設可得無味界舌識界及舌觸舌
觸爲緣所生諸受無味界乃至舌觸爲緣所生諸受
施設可得無身界無身界施設可得無觸界身識界
及身觸身觸爲緣所生諸受無觸界乃至身觸爲緣
所生諸受施設可得無意界無意界施設可得無法
界意識界及意觸意觸爲緣所生諸受無法界乃至
意觸爲緣所生諸受施設可得無地界無地界施設
可得無水火風空識界無水火風空識界施設可得
無無明無無明施設可得無行識名色六處觸受愛
取有生老死愁歎苦憂惱無行乃至老死愁歎苦憂
惱施設可得無布施波羅蜜多無布施波羅蜜多施
設可得無淨戒安忍精進靜慮般若波羅蜜多無淨
戒乃至般若波羅蜜多施設可得無內空無內空施

設可得無外空內外空空空大空勝義空有爲空無
爲空畢竟空無際空散空無變異空本性空自相空
共相空一切法空不可得空無性空自性空無性自
性空無外空乃至無性自性空施設可得無真如無
真如施設可得無法界法性不虛妄性不變異性平
等性離生性法定法住實際虛空界不思議界無法
界乃至不思議界施設可得無苦聖諦無苦聖諦施
設可得無集滅道聖諦無集滅道聖諦施設可得無
四靜慮無四靜慮施設可得無四無量四無色定無
四無量四無色定施設可得無八解脫無八解脫施

設可得無八勝處九次第定十徧處無八勝處九次
第定十徧處施設可得無四念住無四念住施設可
得無四正斷四神足五根五力七等覺支八聖道支
無四正斷乃至八聖道支施設可得無空解脫門無
空解脫門施設可得無無相無願解脫門無無相無
願解脫門施設可得無菩薩十地無菩薩十地施設
可得無五眼無五眼施設可得無六神通無六神通
施設可得無佛十力無佛十力施設可得無四無所
畏四無礙解大慈大悲大喜大捨十八佛不共法無
四無所畏乃至十八佛不共法施設可得無無忘失

法無無忘失法施設可得無恒住捨性無恒住捨性
施設可得無一切智無一切智施設可得無道相智
一切相智無道相智一切相智施設可得無一切陀
羅尼門無一切陀羅尼門施設可得無一切三摩地
門無一切三摩地門施設可得無預流果無預流果
施設可得無一來不還阿羅漢果無一來不還阿羅
漢果施設可得無獨覺菩提無獨覺菩提施設可得
無一切菩薩摩訶薩行無一切菩薩摩訶薩行施設
可得無諸佛無上正等菩提無諸佛無上正等菩提
施設可得善現諸佛般若波羅蜜多如是說示世間

實相善現然此般若波羅蜜多甚深理中不示現色
不示現受想行識何以故善現如是般若波羅蜜多
甚深理中甚深般若波羅蜜多尚無所有不可得況
有色受想行識可得示現如是般若波羅蜜多甚深
理中不示現眼處不示現耳鼻舌身意處何以故善
現如是般若波羅蜜多甚深理中甚深般若波羅蜜
多尚無所有不可得況有眼處耳鼻舌身意處可得
示現如是般若波羅蜜多甚深理中不示現色處不
示現聲香味觸法處何以故善現如是般若波羅蜜
多甚深理中甚深般若波羅蜜多尚無所有不可得

況有色處聲香味觸法處可得示現如是般若波羅蜜多甚深理中不示現眼界不示現色界眼識界及眼觸眼觸爲緣所生諸受何以故善現如是般若波羅蜜多甚深理中甚深般若波羅蜜多尚無所有不可得況有眼界乃至眼觸爲緣所生諸受可得示現如是般若波羅蜜多甚深理中不示現耳界不示現聲界耳識界及耳觸耳觸爲緣所生諸受何以故善現如是般若波羅蜜多甚深理中甚深般若波羅蜜多尚無所有不可得況有耳界乃至耳觸爲緣所生諸受可得示現如是般若波羅蜜多甚深理中不示

現鼻界不示現香界鼻識界及鼻觸鼻觸爲緣所生諸受何以故善現如是般若波羅蜜多甚深理中甚深般若波羅蜜多尚無所有不可得況有鼻界乃至鼻觸爲緣所生諸受可得示現如是般若波羅蜜多甚深理中不示現舌界不示現味界舌識界及舌觸舌觸爲緣所生諸受何以故善現如是般若波羅蜜多甚深理中甚深般若波羅蜜多尚無所有不可得況有舌界乃至舌觸爲緣所生諸受可得示現如是般若波羅蜜多甚深理中不示現身界不示現觸界身識界及身觸身觸爲緣所生諸受何以故善現如

是般若波羅蜜多甚深理中甚深般若波羅蜜多尚
無所有不可得況有身界乃至身觸爲緣所生諸受
可得示現如是般若波羅蜜多甚深理中不示現意
界不示現法界意識界及意觸意觸爲緣所生諸受
何以故善現如是般若波羅蜜多甚深理中甚深般
若波羅蜜多尚無所有不可得況有意界乃至意觸
爲緣所生諸受可得示現如是般若波羅蜜多甚深
理中不示現地界不示現水火風空識界何以故善
現如是般若波羅蜜多甚深理中甚深般若波羅蜜
多尚無所有不可得況有地界水火風空識界可得

示現如是般若波羅蜜多甚深理中不示現無明不
示現行識名色六處觸受愛取有生老死愁歎苦憂
惱何以故善現如是般若波羅蜜多甚深理中甚深
般若波羅蜜多尚無所有不可得況有無明乃至老
死愁歎苦憂惱可得示現如是般若波羅蜜多甚深
理中不示現布施波羅蜜多不示現淨戒安忍精進
靜慮般若波羅蜜多何以故善現如是般若波羅蜜
多甚深理中甚深般若波羅蜜多尚無所有不可得
況有布施波羅蜜多乃至般若波羅蜜多可得示現
如是般若波羅蜜多甚深理中不示現內空不示現

外空內外空空空大空勝義空有爲空無爲空畢竟
空無際空散空無變異空本性空自相空共相空一
切法空不可得空無性空自性空無性自性空何以
故善現如是般若波羅蜜多甚深理中甚深般若波
羅蜜多尚無所有不可得況有內空乃至無性自性
空可得示現如是般若波羅蜜多甚深理中不示現
真如不示現法界法性不虛妄性不變異性平等性
離生性法定法住實際虛空界不思議界何以故善
現如是般若波羅蜜多甚深理中甚深般若波羅蜜
多尚無所有不可得況有真如乃至不思議界可得

示現如是般若波羅蜜多甚深理中不示現苦聖諦
不示現集滅道聖諦何以故善現如是般若波羅蜜
多甚深理中甚深般若波羅蜜多尚無所有不可得
況有苦聖諦集滅道聖諦可得示現如是般若波羅
蜜多甚深理中不示現四靜慮不示現四無量四無
色定何以故善現如是般若波羅蜜多甚深理中甚
深般若波羅蜜多尚無所有不可得況有四靜慮四
無量四無色定可得示現如是般若波羅蜜多甚深
理中不示現八解脫不示現八勝處九次第定十徧
處何以故善現如是般若波羅蜜多甚深理中甚深

般若波羅蜜多尚無所有不可得況有八解脫八勝處九次第定十徧處可得示現如是般若波羅蜜多甚深理中不示現四念住不示現四正斷四神足五根五力七等覺支八聖道支何以故善現如是般若波羅蜜多甚深理中甚深般若波羅蜜多尚無所有不可得況有四念住乃至八聖道支可得示現如是般若波羅蜜多甚深理中不示現空解脫門不示現無相無願解脫門何以故善現如是般若波羅蜜多甚深理中甚深般若波羅蜜多尚無所有不可得況有空解脫門無相無願解脫門可得示現如是般若

波羅蜜多甚深理中不示現菩薩十地何以故善現如是般若波羅蜜多甚深理中甚深般若波羅蜜多尚無所有不可得況有菩薩十地可得示現如是般若波羅蜜多甚深理中不示現五眼不示現六神通何以故善現如是般若波羅蜜多甚深理中甚深般若波羅蜜多尚無所有不可得況有五眼六神通可得示現如是般若波羅蜜多甚深理中不示現佛十力不示現四無所畏四無礙解大慈大悲大喜大捨十八佛不共法何以故善現如是般若波羅蜜多甚深理中甚深般若波羅蜜多尚無所有不可得況有

佛十力乃至十八不共法可得示現如是般若波羅蜜多甚深理中不示現無忘失法不示現恒住捨性何以故善現如是般若波羅蜜多甚深理中甚深般若波羅蜜多尚無所有不可得況有無忘失法恒住捨性可得示現如是般若波羅蜜多甚深理中不示現一切智不示現道相智一切相智何以故善現如是般若波羅蜜多甚深理中甚深般若波羅蜜多尚無所有不可得況有一切智道相智一切相智可得示現如是般若波羅蜜多甚深理中不示現一切陀羅尼門不示現一切三摩地門何以故如是般若

波羅蜜多甚深理中甚深般若波羅蜜多尚無所有不可得況有一切陀羅尼門一切三摩地門可得示現如是般若波羅蜜多甚深理中不示現預流果不示現一來不還阿羅漢果何以故善現如是般若波羅蜜多甚深理中甚深般若波羅蜜多尚無所有不可得況有預流果一來不還阿羅漢果可得示現如是般若波羅蜜多甚深理中不示現獨覺菩提何以故善現如是般若波羅蜜多甚深理中甚深般若波羅蜜多尚無所有不可得況有獨覺菩提可得示現如是般若波羅蜜多甚深理中不示現一切菩薩摩

經
大持者卷三五五
十一
訶薩行何以故善現如是般若波羅蜜多甚深理中甚深般若波羅蜜多尚無所有不可得況有一切菩薩摩訶薩行可得示現如是般若波羅蜜多甚深理中不示現諸佛無上正等菩提何以故善現如是般若波羅蜜多甚深理中甚深般若波羅蜜多尚無所有不可得況有諸佛無上正等菩提可得示現復次善現一切有情施設言說若有色若無色若有想若無想若非有想非無想若此世界若餘十方一切世界是諸有情若略心若散心一切如來應正等覺依甚深般若波羅蜜多皆如實知世尊云何如來應正

等覺如實知彼諸有情類略心散心善現一切如來應正等覺由法性故如實知彼諸有情類略心散心世尊云何如來應正等覺由法性故如實知彼諸有情類略心散心善現一切如來應正等覺如實知法性中法性尚不可得況有略心散心善現如是如來應正等覺由法性故如實知彼諸有情類略心散心復次善現一切如來應正等覺由盡故離染故滅故斷故寂靜故遠離故如實知彼諸有情類略心散心世尊云何如來應正等覺由盡故離染故滅故斷故寂靜故遠離故如實知彼諸有情類略心散心善現

一切如來應正等覺如實知盡離染滅斷寂靜遠離
由盡等性尚不可得況有略心散心善現如是如來
應正等覺依甚深般若波羅蜜多由盡等故如實知
彼諸有情類略心散心復次善現一切如來應正等
覺依甚深般若波羅蜜多如實知彼諸有情類有貪
心離貪心有瞋心離瞋心有癡心離癡心世尊云何
如來應正等覺如實知彼諸有情類有貪心離貪心
有瞋心離瞋心有癡心離癡心善現一切如來應正
等覺如實知彼諸有情類有貪瞋癡心如實性非有
貪瞋癡心非離貪瞋癡心何以故如實性中心心所

法尚不可得況有有貪瞋癡心離貪瞋癡心善現一
切如來應正等覺如實知彼諸有情類離貪瞋癡心
如實性非有貪瞋癡心非離貪瞋癡心何以故如實
性中心心所法尚不可得況有有貪瞋癡心離貪瞋
癡心善現如是如來應正等覺依甚深般若波羅蜜
多如實知彼諸有情類有貪心離貪心有瞋心離瞋
心有癡心離癡心復次善現一切如來應正等覺如
實知彼諸有情類有貪瞋癡心非有貪瞋癡心非離
貪瞋癡心何以故如是二心不和合故善現一切如
來應正等覺如實知彼諸有情類離貪瞋癡心非有

貪瞋癡心非離貪瞋癡心何以故如是二心不和合
故善現如是如來應正等覺依甚深般若波羅蜜多
如實知彼諸有情類有貪心離貪心有瞋心離瞋心
有癡心離癡心復次善現一切如來應正等覺依甚
深般若波羅蜜多如實知彼諸有情類所有廣心世
尊云何如來應正等覺如實知彼諸有情類所有廣
心善現一切如來應正等覺如實知彼諸有情類所
有廣心無廣無狹無增無減無去無來心性離故非
廣非狹非增非減非去非來何以故心之自性無所
有故誰廣誰狹誰增誰減誰去誰來善現如是如來

應正等覺依甚深般若波羅蜜多如實知彼諸有情
類所有廣心復次善現一切如來應正等覺依甚深
般若波羅蜜多如實知彼諸有情類所有大心世尊
云何如來應正等覺如實知彼諸有情類所有大心
善現一切如來應正等覺如實知彼諸有情類所有
大心無去無來無生無滅無住無異無大無小何以
故心之自性無所有故非去非來非生非滅非住非
異非大非小善現如是如來應正等覺依甚深般若
波羅蜜多如實知彼諸有情類所有大心復次善現
一切如來應正等覺依甚深般若波羅蜜多如實知

彼諸有情類所有無量心世尊云何如來應正等覺
如實知彼諸有情類所有無量心善現一切如來應
正等覺如實知彼諸有情類所有無量心非住非不
住非去非不去何以故無量心性無漏無依如何可
說有住不住有去不去善現如是如來應正等覺依
甚深般若波羅蜜多如實知彼諸有情類所有無量
心復次善現一切如來應正等覺依甚深般若波羅
蜜多如實知彼諸有情類所有無見無對心世尊云
何如來應正等覺如實知彼諸有情類所有無見無
對心善現一切如來應正等覺如實知彼諸有情類

所有無見無對心皆無心相何以故以一切心自相
空故善現如是如來應正等覺依甚深般若波羅蜜
多如實知彼諸有情類所有無見無對心復次善現
一切如來應正等覺依甚深般若波羅蜜多如實知
彼諸有情類所有無色不可見心世尊云何如來應
正等覺如實知彼諸有情類所有無色不可見心善
現一切如來應正等覺如實知彼諸有情類所有無
色不可見心諸佛五眼皆不能見何以故以一切心
自性空故善現如是如來應正等覺依甚深般若波
羅蜜多如實知彼諸有情類所有無色不可見心復

次善現一切如來應正等覺依甚深般若波羅蜜多
如實知他諸有情類心心所法若出若沒若屈若申
世尊云何如來應正等覺如實知他諸有情類心心
所法若出若沒若屈若伸善現一切如來應正等覺
如實知他諸有情類出沒屈伸心心所法皆依色受
想行識生善現如是如來應正等覺依甚深般若波
羅蜜多如實知他諸有情類心心所法若出若沒若
屈若伸謂諸如來應正等覺如實知他諸有情類出
沒屈伸心心所法或依色或依受想行識執我及世
間常此是諦實餘皆癡妄或依色或依受想行識執

我及世間無常此是諦實餘皆癡妄或依色或依受
想行識執我及世間亦常亦無常此是諦實餘皆癡
妄或依色或依受想行識執我及世間非常非無常
此是諦實餘皆癡妄或依色或依受想行識執我及
世間有邊此是諦實餘皆癡妄或依色或依受想行
識執我及世間無邊此是諦實餘皆癡妄或依色或
依受想行識執我及世間亦有邊亦無邊此是諦實
餘皆癡妄或依色或依受想行識執我及世間非有
邊非無邊此是諦實餘皆癡妄或依色或依受想行
識執命者卽身此是諦實餘皆癡妄或依色或依受

想行識執命者異身此是諦實餘皆癡妄或依色或
依受想行識執如來死後有此是諦實餘皆癡妄或
依色或依受想行識執如來死後非有此是諦實餘
皆癡妄或依色或依受想行識執如來死後亦有亦
非有此是諦實餘皆癡妄或依色或依受想行識執
如來死後非有非非有此是諦實餘皆癡妄善現如
是如來應正等覺依甚深般若波羅蜜多如實知他
諸有情類心心所法若出若沒若屈若伸
大般若波羅蜜多經卷第三百五

休寧居士劉懋賢施刻全部江陰釋在誠對長
洲徐普書劉文元刻萬曆庚戌歲寂照庵識



五十三